

Dɪ Sesi Klisi -sa 'kwla 'de San -pee ε

'Sbε -nε 'ε bu ka

¹ Dɪ Sesi Klisi -sa 'kwla 'de Kea 'a -jei" naavn -pee ɪmɪ -cruɪε' 'de 'sbε -nε 'di. Kea mε -nyɪ" ɪa' dɪ tu Sesi Klisi -wεε ɔ 'jɪ to 'de ɔɔ' dbonɔvɔn -pee, 'de ka ɪa mua -too" 'a ɪ 'jea 'o nyɪni ε, ɔv 'jɪ juo-. ɛmε -tɪ Sesi Klisi dbo ɔɔ' "soai 'de ɔɔ' dbonɔvi San o -wεε ε 'je ɔ 'tmɔvɔ-.

² Wlu Kea 'tmɔva -wεε Sesi Klisi nyɪnia 'o ε, 'mɔ San -nɪ ɪa' -ta 'jei, -wεε dɪ "klein 'ɪn 'jea "jriε- ε, 'ɪn 'cruɪ 'de 'sbε 'di.

³ Nyɔ -ɔɔ nva 'sbε -nε 'dii ɔ ke nyɔ "o nyɔ -ɔɔ poa dɪ'kwla-sawlu -nɪ doin" o -wεε -ɔɔ -je ε wɔn ε, 'mɔva- nɔ -mɔ, dε-nɔvε' nɔ" -tuu" 'a -wεε ɪa' dɪ tu 'jea 'o nyɪni ε, ε "kvan 'mlai".

Jewlu-

⁴⁻⁵ 'Mɔ San, 'mɔ -ɔɔ -cruɪ 'sbε- -wεε -ɔɔ poo ε Kea -gbi -mε" 'sɔn -nɪa 'de Asi -jei" : Kea -ε -nɪa 'kmɔ tɛin" -wεε -ε -nɪa 'kmɔ -sɪan 'de -εε mua jia' a, ε ke -sii -mε" 'sɔn -nɪa 'bo εε' tu"bokpa-tε "juɔi ke, Sesi Klisi -ɔɔ -tmɔva tɔ' -tɪ -wεε -ɔ sea wlu fai" poo-ε, εε' nyɔ 'a pɛε blua' ke εε' "diwan kpɔn aɔpɔ ! Sesi Klisi mɔ Kea -saa "i, ε -sa "kunyɔɔ' 'de 'mɛvɔn "klu. 'Beɔ "klein -nɪa 'nɔ 'kmɔ "kpei ɔva' nyɔ se ɔ -sii, ɔmɔ -nɪ 'bo ɔpɔpɔ "jru kpɔ'. ɔmɔ -kma -aa -tɪ' -wεε -ɔɔ nymɔ seie -avn 'de -aa dɪsɪn 'kwa.

⁶ Ɔmɔ -nɔɛ' -wɛɛ -a -kpa ɔɔ' 'bleenyɔ, 'de ɔmɔ -te 'o -aɔn -wɛɛ -a -je ɔ "Bo Kea "juɔi nɔɔ- ka 'sraa -saɔn -nɪa tɛin" nɪa. Ɔmɔ nyɔ 'je 'nyɔnɪ 'wɔɔa' o, "ikmanynɪ kpaa- 'de -sɔn "o -sɔn 'di. 'Kamɔ ɛ 'je nɪ !

⁷ Ao -gbɔn 'nɔ, ɔɔ ji' 'bo buee" 'ɔn, nyɔ -wee' "klein a mu ɔ "jriɛ- 'jeea'. Nyɔ -sɔ kɔɔ ɔ 'bo tu -kwɔl" ɛ, sɔa mu ɔ "jriɛ- 'jeea' -ke. 'Blɔa 'a blo' wɔn- -wee' "klein a muɛ kpleea' 'de ɔɔ' -tɪ' 'ɔn. Kɪn, 'kɪ nɪ- !

⁸ Kea -nɪa -aa Blei, ɛ kmai" ɛ je dɪ -wee' -sii. ɛ nɪɛ 'kmɔ sese, ɛ nɪɛ 'kmɔ -sɪan -ke, ɛɛ muɛ jia'. ɛɛ' Kea tu mɛ -wlu ka, ɛ 'na : 'Mɔ -saa "i, 'mɔ -bɔɔ' de.

San 'jeeɛ Sesi 'jriɛ-

⁹ 'Mɔ San 'ɪn nɪɛ aɔa' de 'di 'kle aɔa 'jea 'de -a -ke Sesi 'a "i "sii -tɪ' 'ɔn ɛ, 'ma 'je ɛ -ke. Ao ke 'mɔ ke -a -pɔaan 'beɔɔɛ due' i -wɛɛ ka "o ka ɛ 'je ɛ nɪ ɛ, -a -ke Sesi "sii "i. De 'ɪn 'tmɔa Kea 'a wlu -wɛɛ dɪ 'ɪn 'jea 'de Sesi 'ɔn 'ɪn 'tmɔ ɪ ɛ, ɛmɛ -nɔɛ' -wɛɛ sɔ kpa 'ɔn 'bo 'tɔnɪɛ 'a du'. 'Bo 'a -ta -tu ɛ, nyɔ a 'daa- 'o Patimɔsɪ.

¹⁰ 'Bo Patimɔsɪ mɔ 'ɪn nɪ-, -je Tɔ"bo 'a -kwɔlɔ o kaan 'sɔ ɛ, Kea 'a -Suu "ji 'de 'ɔn 'ɛ. 'Sɔ 'ɪn 'wɔn nyɔ jɔɔ' ɔ wlu 'bo 'ɔn 'de -wɛɛ ɔ kpa wlu "jei ka -kaɔn a wlu.

¹¹ Ɔ 'na : Dɪ -ma -jeea' "jriɛ- ɛ, -ɪn -crɪ 'de 'sbɛ 'di -wɛɛ -ɪn -jɪ Kea -gbi -mɛ" 'sɔn -nɪ -jei" pɔo-. Ia' Kea -gbi -tu ka : Kea -gbu -nɪa 'o Efɛsɪ o, Siminɪ o, Pɛɛkamɔ o, Tiatii o, Saadt o, Filadɛfi o, Laodise ke.

¹² -Ta 'ma "biia i -wɛɛ nyɔ -ɔɔ wlu a 'ɔn -pee 'ɪn 'je ɔ "jriɛ- 'jee- 'sɔ ɛ, 'ɪn 'jeeɛ -dam'ba -tuu"-tuu

"jriε- 'bo -dam'ba 'a "kpei -tedt -mε" 'son "kpei. la' -dam'ba 'a "kpei -tedt -tu ε, 'sani -nu'.

13 'Su 'in 'jeeε "ju due" 'jriε- 'bo ia' -kwea'-, -o -ke nyio 'o "ju -kooo'-. "Bai o paa 'un ε, ε tba i 'de o boin o kpō- kpō- -wεε o bla 'saniwlv -kwlv 'di.

14 Oo' "jru "pluu' "puu'- ka jee" -fua" nia, oo' "jri a wan' ka nemuo nia.

15 Oo' bi a fan' ka -bo nyu tba -tien 'o "jri -wεε ε -sainya 'de neklin' 'un ε, 'kamō ι ni-. Oo' wlu -ko' "ni-gbuu klaa" 'a klu 'in.

16 Oo' diansun 'bleε 'cu-sun -mε" 'son kwa. -Placne -nma" 'a -wεε -εε "jri nia 'soon ε, εmε -εε -wlv 'de o 'wōn. Oo' "jua- a fan' ka -bo 'jrv -te -gbao -wεε εε fan.

17 -Ta 'in 'jee o "jriε- 'sv ε, 'in -ka i 'bo o bi o, ka nyo o 'mεa. 'Su o -tee' 'un oo' diansun "kpei -wεε o wlu ka, o 'na : Favn 'bo -un -nυε ! 'Mō -saa "i 'mō -bōo' de.

18 'In nιε 'kmv. 'In 'mεε 'de-, 'kaa kaan ka 'in nιε 'kmv 'bode 'bode. 'In 'bleε "ikmaa' 'bo 'mεa' ke -ta 'mεun nia "kpei.

19 San, di -in -jeea' "jriε- ι ke di -ia nυba ke di -ia mua nυba' 'bo -mι 'de ke -in -cru 'de 'sbε 'di.

20 'Cu-sun -mε" 'son -in -jeea' "jriε- 'de 'ma diansun 'di o, -dam'ba 'a "kpei -tedt -mε" 'son 'sani nυa -wεε -in -jeea "jriε- -ke o, de -ε pa 'kwla 'de ia' di tu 'de ε, εmε 'ma ji wō -saa' 'de -un -pee. 'Cu-sun -mε" 'son -nι, umι -nι Kea -gbi -mε" 'son 'o "jru kpō' i -tevn. 'De -dam'ba 'a "kpei -tedt -mε" 'son -nι, umι -nι Kea -gbi -mε" 'son -nι.

2

Wlu -tmvva' 'de Efesi Kea -gbu -pee ε

1 "Ju 'ɪn 'jɛɛa "jriɛ- nɔ, mɔ -wlu 'de 'ɪn -pee ka -ɔ -na : Wlu -ɪn -jɛa 'cɪ -wɛɛ -ɪn -jɛa Efɛst Kea -gbu 'a "jrukɔ' i -tei kpa, ɛ ka :

'Mɔ -ɔɔ diansɔn 'blea 'cɔ-sɪn -mɛ" 'sɔn kwa -wɛɛ -ɔɔ na 'bo -dam'ba 'a "kpei -tedɪ -mɛ" 'sɔn 'sani nɔa 'a -kwea'-, 'ɪn 'naa :

2 'ɪn juo -ma nɔɔdɪ 'mɛ. Dbo -ɪn -kɔɔɔn -a -ma -cɛ" i -wɛɛ -ɪn nɔa o, ka -ɪn -bɛɛa' pɛɛ "wɔɔn o, 'ɪn juo ɪ -wee' 'mɛ. 'Diwɔnyɔnɪɔn -nɪa 'de aɔɔɔ- "klu ɛ, ɔɔ ke -ɪn se dbɛɛ-. Nyɔ -ɔɔa -daa' ɔɔa' -cɛ" Sesi 'a dbɔɔn -wɛɛ -ɔɔ se ɛ nɪ ɛ, -ɪn -tɪɛn' ɔɔɔɔ i 'de ka ɔɔ nɪa sɪ 'tmɔɔn -ɪn -je kan'.

3 -ɪn -bleɛ nai", -ɪn -jɛɛ -ma -cɛ" wɔɔn 'de 'ma 'nyɔnɪ 'a -tɪ' 'ɪn, 'de 'kɔɪ se -mii" wa mamav 'sɔ.

4 'Kaa dɛ -jɛ sea' 'ɪn 'tɔn nɔ ɛ, ɛmɛ -nɪ 'ma -tɪ' kmaa' -ɛ -nɪa 'de -ɪn 'ɪn tɛɪn" ɛ, -ɪn -bɔ -mɛ o.

5 -Ta -ɪn -blua' -ɪn pɔ 'o 'a -tɪ' -kwɔɔ o -wɛɛ -ɪn -je -ma dɪsɔn "i juo 'de -ɪn -jɪ 'kɔɔ "i to-, -wɛɛ ka -ɪn -kma 'ma -tɪ' tɛɪn" -ɪn -je kan' nɔ ke'wɛɛ. -Bo ɛ se -mɛ nɪ ɛ, 'ma muɛ jia' -wɛɛ 'ɪn 'je -ma -dam'ba 'a "kpei -tedɛ -kwɔɔlin -saa.

6 Dɛ -jɛ -ɛɛ -tɪ' 'ɪn 'ma pɔa -ɔn -tɪ' o ɛ, ɛmɛ -nɪ nyɔ -kpa 'o Nikola 'de ɛ, ɔɔa' nɔɔdɪ a nyaa -mii' ka ɪa nyaa 'mii -ke ɛ.

7 Nyɔ -nɪa dɔɔn" "jru -mɛ wlu Kea 'a -Suu a 'tmɔa Kea -gbi -pee ɔ pɔ ɛ doin" o ! Nyɔ -ɔɔ mua tɔ 'a "jru kpaa' a, 'kmɔnɪ tu -ɛ -nɪa 'de Kea 'a kɛɛma' -kwɔɔ 'di mɛ -ɛɛ 'jɔ 'ɪn 'je ɔ "nyɪ -wɛɛ ɔ 'je di.

Wlu -tmɔa' 'de Siminɪ Kea -gbu -pee ɛ

8 "Ju 'ɪn 'jɛɛa "jriɛ- ɛ, ɔ wlu' 'de 'ɪn -pee ka ke'wɛɛ ɔ 'na : Wlu -ɪn -jɛa 'cɪ -wɛɛ -ɪn -jɛa Siminɪ Kea -gbu 'a "jru kɔɔ' i -tei kpa, ɛ ka :

'Mɔ ɔ -kɔan 'de dɪ -wee' 'a nya -wɛɛ ɔ kan dɪ
-wee' "jru ε, 'de ɔ -mɛa 'de- -wɛɛ ɔ jia 'kmɔ
de ε, 'ɪn 'naa :

⁹ 'Kle -ma -jea 'ɪn juɛ'. 'ɪn juo -ma nɪa" 'a 'dba
-tɪ 'mɛ, 'de -mɛ 'kamɔ -ɪn -nɪ dɪ -wee' 'a jei. Nyɔ
-ɔɔa -daa' ɔɔa' -cɛ" Suifɔ -wɛɛ -ɔɔ se ε nɪ ε, ka
ɔɔa -cre" 'a -ɔn ε, 'ɪn juɪ'. ɔɔa' nyɔ tu ε, ɔɔ nɪɛ
Satan 'a nyɔ -o.

¹⁰ De -ma -jea 'kle ε, εɛ' faɔn 'bo -ɔn nɔɛ. -ɪn
-gbɔn 'nɔ, -sɪɔn' ɔ muɛ aɔa' jru' -kaso 'di poa' -wɛɛ
aɔ 'je i -tɪɛn'- -wɛɛ aɔ 'je 'kle 'je 'de 'wɪ -puue 'di.
-ɪn -bo wlu fai" pɔɔɛ mamav 'sɔ, ε 'je -ma 'mɛa'
jɛɛ-, -wɛɛ 'ɪn 'je -ɔn 'kmɔnɪa' -sea' -kwɛ -ta 'ble
"nyɪ. ɛmɛ -ɛɛ mu -ma -kei" nɪa'.

¹¹ Nyɔ -nɪa doun" "jru wlu Kea 'a -Suu a 'tmɔa
Kea -gbi -pee ɔ pɔ ε doun" o ! Nyɔ -ɔɔ mua tɔ 'a
"jru kpaa' a, ɔ se -tuɔn blui. 'Mɛa 'a kpɛ 'sɔɔn -nɛ
se ɔ "i blai.

Wlu -tmɔa' 'de Pɛɛkamɔ Kea -gbu -pee ε

¹² "Ju 'ɪn 'jeea "jriɛ- -nɔ, ɔmɔ -wlu 'ɔn -pee ka
-ke, ɔ 'na : Wlu -ɪn -jea 'crɪ -wɛɛ -ɪn -jea Pɛɛkamɔ
Kea -gbu 'a "jru kpɔ' i -tei kpa, ε ka :
'Mɔ -blea -placnɛ -nma" 'a -wɛɛ -ɛɛ "jri nɪa 'sɔɔn
ε, ka 'ɪn 'da ka, 'ɪn 'naa :

¹³ 'ɪn juo -ma -teɪn 'mɛ. 'Bo 'a -ta -tu mɔ Satan
'ti -wɛɛ ɔ 'ble nyɔ. Ka -ɪn -tua" 'ma 'nyɪnɪ 'a -tɪ'
mamav 'ɪn 'je kan' 'mɛ -ke. 'Bo aɔpɔ o -kwɔɔ
Satan nɪa, Antipasɪ ɔ -jea 'ma -tɪ' tɔ' 'ɔn -wɛɛ
-ɔɔ -tmɔa 'ma -tɪ' 'de nyɔ -pee, -sɔntɪ nyɔ 'dbɔ ε,
-ɪn se 'ma -kwɪl" -tea' o 'bɔ, 'de -mɛ 'kamɔ ɔɔ 'dbɔ
'de 'ma -tɪ' 'ɔn.

¹⁴ 'Kaa dɪ jri' mɪ -ma nɔ 'sɔ -ɪa nyaa 'mii. ɪa'
dɪ tu mɪ -nɪ nyɔ jru' -nɪ 'de aɔpɔ "klu -wɛɛ dɪ

Balaam tɔɔa nyɔ -ɔɔa nu ɪ. Ka -bo Israe-koun nu -wɛɛ ɔɔ 'jea 'de dɛsaun 'di 'kpa a, ɛmɛ ɔ tɔɔ Balaki. Ɔmɔ -nɔɛ' -wɛɛ nmi ɔɔ -saa 'sraa- ɔɔ "nyia koin ɛ, 'de Israe-koun a di ɪa' nmi tu. Ɔmɔ -nɔɛ' ke'wɛɛ -wɛɛ ɔɔ 'kpa 'de jei" 'jedɛsaun 'di.

15 'De nyɔ jru' -nɪ 'de aopɔ "klu ke'wɛɛ -wɛɛ dɪ nyɔ -ɔɔ bla 'o Nikola 'de a nɔa, -ɔɔa nu ɪ -ke.

16 ɛmɛ -tɪ 'ɪn 'naa -ɪn -juo -ma dɛsaun "i -ɪn -je ɛ 'kpu "i to-. -Bo ɛ se -mɛ nɪ 'ja a, 'ma muɛ -too" 'a 'ɪn 'je ji -wɛɛ 'ɪn 'je -placɛ -nɪa 'de 'ɔn 'wɔn nu 'de 'ɪn 'je ɔɔa' nyɔ tu tɔ o -fɔn'.

17 Nyɔ -nɪa doun" "jru ɛ, wlu Kea 'a -Suu a 'tmɔa Kea -gbi -pee ɛ, ɔ po ɛ doun" o ! Nyɔ -ɔɔ mua tu 'a "jru kpa" a, 'ma muɛ ɔ diidɛ -ɛ pa 'kwla 'de jaun 'di "nyia", -wɛɛ 'ɪn 'je ɔ "soukpo plu "nyɪ -ke. 'Nyɪnɪ dee -crɪa' 'bo ɛ "kpei ɛ, nyɔ jru" se ɛ juo-, -bo ɛ se nyɔ -ɔɔ mua ɛɛ" "sou tu 'jea' nɪ ɛ.

Wlu -tmɔa' 'de Tiatii Kea -gbu -pee ɛ

18 "Ju 'ɪn 'jeea "jriɛ- mɔ -wlu 'ɔn -pee ka ke'wɛɛ, -ɔ -na : Wlu -ɪn -jea 'crɪ -wɛɛ -ɪn -jea Tiatii Kea -gbu 'a "jrukɔ" i -tei kpa, ɛ ka :

'Mɔ -ɔ -nɪa Kea 'a "Ju -ɔɔ "jri a wan ka nemɔɔ nɪa, -wɛɛ -ɔɔ bɪ a fan ka -tien nɪa, 'ɪn 'naa

19 'ɪn juo -ma nɔɔdɪ 'mɛ. -Ma nyɔ 'a -tɪ' kmaa' o, -ma Kea -kwɪ" -tea' o, ka -ma nɔɔa -ma de 'di-wi" "juɔi o, -ma pɛɛ "wɔin 'bɛɛa' o, 'de ka dɪ 'dɔɛ -ɪn -bɔɔa' de -ma nɔa ɪ -tia "i ɪ -sia -jɪ -nɪa tɛin" ɛ, 'ɪn juo -mɪ 'mɛ -ke.

20 'Kaa dɛ -jɛ -sea' 'ɔn 'tɔn nu 'de -ma -tɪ' 'ɔn ɛ, ɛmɛ -nɪ "junynɔkpao' ɔɔa 'daa- Sesabɛ -wɛɛ -ɔa -daa' ɔa' -cɛ" Kea 'a wlu 'kwajaanynɔkpao' ɛ, ɔmɔ -ɪn -taai" -wɛɛ -ɔa -saa 'ma dɔnɔɔn 'a "jru -jei"

-wɛɛ -ba tɔɔ ɔɔpɔ jɛi" 'jedɛsaʋn, 'de nmi ɔɔ -saa 'sraa- ɔɔ "nyɪa koin ɔɔa di.

21 'In "nyɪ ɔɔ nɔ" 'mɛ -wɛɛ ɔɔ 'je ɔɔa' dɪsaɪn "i juo-, 'kaa ɔɔ 'na ɔɔ se ɔɔa' jɛi" 'jedɛsaʋn 'kpɔ "i toi.

22 ɛmɛ -tɪ 'ma ji ɔɔ 'wɛ- "kpei jaa' -wɛɛ ɔɔ 'je i 'pɛn 'de ɔɔ 'je ɔɔa' -cɛ" wɔɪn 'je. Nyɔ -ɔɔ -ke ɔɔ 'kpa 'de jɛi" 'jedɛsaʋn 'di ɛ, -bo ɔɔ se ɔɔa' dɛsaʋn "i juo -wɛɛ dɪ Sesabɛ a nɔa ɔɔ sɪ kwa -sɔɪn -saa a, 'ma muɛ ɔɔpɔ 'kle klaa" "kpei jaa' -ke.

23 'Bo -mɛ 'de ɛ, 'ma muɛ ɔɔa' "nyɪ- 'mɛa' "kpei jaa' -wɛɛ ka 'ɪn nɪa "ju -ɔ -jua nyɔɔ 'ɔɔ tɔ' 'de -ɔɔ -gbɔn a 'de nyɔ pɛɛ o ɛ, Kea -gbi -wee' "klein 'ju juo-. Dɪ "klein aɔ nɔa 'mɔ -ɔɔ mu aɔ ɪa' -kei" -saa' due 'due.

24 'De aɔpɔ -jɔ -nɪa 'de Tiatii Kea -gbu 'di -wɛɛ dɪ Sesabɛ a tɔɔa nyɔ -ɔ sea 'bo ɪ 'de bla a, dɪ -ɪ pa 'kwla -wɛɛ ɔɔa 'daa- Satan 'a dɪ ɛ, aɔ sɪ 'cɪan. Aɔpɔ mɔ ɛ, 'ɪn se aɔpɔ kɛ' jɾɛ' "i -tei.

25 'Kaa dɛ due' koun -gbai' mɛ 'ma 'tmɔɔ aɔpɔ-, ɛmɛ -nɪ -ta aɔ kpɔn a aɔ kpɔn 'bo i mamaɔ 'sɔ 'ɪn 'je ji.

26 Nyɔ -ɔɔ mua tɔ 'a "jru kpaa' -wɛɛ ka 'ɪn "sia 'nyɪ -ɔɔ mua kan' nɔa' mamaɔ -ɔ -jea nyɪ ɛ, 'ma muɛ ɔ "ikmaa' "nyɪa' -wɛɛ ɔ 'je 'blɔa- -tuu"-tuu "jru kpɔ' i -te,

27 'de ɔ 'je nɪɛkpa 'ble -wɛɛ ɔ 'ju i fuo-. ɔɔ muɛ ɔɔpɔ i waa' ka nyɔ ɔ waa jae i ɛ. Ka 'ɪn "Bo "nyɪa 'ma -cɛ" 'kpa "ikmaa' 'bo 'blɔa- -wee' "klein "kpei ɛ, 'kamɔ ɔɔ mu nɪa'.

28 Nyɔ -ɔɔ mua tɔ 'a "jru kpaa' a, 'ma muɛ ɔ 'cɔ-sɪn -ɛɛ fan -sɔɪn' wɔɪn" "nyɪa'.

29 Nyɔ -nɪa doun" "jru ɛ, wlu Kea 'a -Suu a 'tmɔa Kea -gbi -pee ɛ, ɔ po ɛ doun" o !

3

Wlu -tmɔva' 'de Saadı Kea -gbu -pee ε

¹ "Ju 'ın 'jea "jriε- -nɔ, ɔmɔ -wlu 'ɔn -pee ka, ɔ 'na : Wlu -ın -jea 'cɾɪ -wεε -ın -jea Saadı Kea -gbu 'a "jru kɾɔ' i -tei kpa, ε ka :

'Mɔ -ɔ -blea Kea 'a -sii -mε" 'sɔn ke 'cɔ-sɪn -mε" 'sɔn ε, ka 'ın 'da ka, 'ın 'naa :

'In juo -ma nɔɔdɪ 'mε. Nyɔ a 'daa- -ɔn 'kmɔnɪ i 'mε kɾɪn-, 'kaa -ın -mεε'.

² -In -bo i "maεε ! Nyɔ 'pla -sia 'o -wεε 'kmɔnɪa' 'a dε-saan" nɪa 'de 'ɔn ε, -ın -kuu ɔɔɔɔ 'a dɪ i. Dε 'ın sia "jriε- o εmε -nɪ -ma nɔɔdɪ se 'de 'ma Kea "jri 'dei nmɔɔ- -ke.

³ εmε -tɪ 'ın 'naa : dɪ nyɔ tɔɔa -ɔn ε, -wεε -ın -jea tɔ' 'ɔn ε, -ın pɔ ɪ -kwɔɔ o, -ın kɾɔn ɪa' dɪ tu i -sisi' -wεε -ın -je -ma dɪsain "i juo- 'de -ın -jɪ 'kɾɔ 'i to-. -Bo -ın se "jriε "i -te ε, 'ma muε jia' -wεε 'ın 'je -ɔn "jru -tiie', ka "jrii a pa -kwɔɔ ε. Nɔ" -ε 'dɪ 'ma mua jia' a, -ın se εε juo i.

⁴ 'Bo Saadı Kea -gbu 'dɪ ɪ, -ma 'cε jɾɔ -nɪ 'o -ke -ɔɔ se ɔɔa' 'ɔnpaadı -flɛn" kɾɔɔn-. ɔɔa' nyɔ tu ε, ɔɔa muε dɪ pli 'ɔnpaa -wεε ɔɔ ke 'ma -a -je na-, dε-nɔε' ɔɔ nɪε εε' ka-.

⁵ Nyɔ -ɔɔ mua tɔ 'a "jru kɾaa' a, ɔɔ muε dɪ pli 'ɔnpaa kan' -ke. 'In se ɔɔ' 'nynɪ 'mɔɔɪ 'de 'kmɔnɪsβε 'dɪ. 'Ma muε ɔɔ' 'nynɪ "sia' 'bo 'ɔn "Bo ke εε' "sɔɪ "juɔi.

⁶ Nyɔ -nɪa doun" "jru ε, wlu Kea 'a -Suu a 'tmɔa Kea -gbi -pee ɔ pɔ ε doun" o !

Wlu -tmɔva' 'de Filadεfi Kea -gbu -pee ε

7 "Ju 'ɪn 'jea "jriɛ- mo -wlu 'ɪn -pee ka, ɔ 'na : Wlu -ɪn -jea 'crɪ -wɛɛ -ɪn -jea Filadɛfi Kea -gbu 'a "jrukpo' i -tei kpa, ɛ ka :

'Mo ɔ -wɪba 'de Kea 'ɪn -wɛɛ ɔ -nɪa tɔ' -tɪ ɛ, -da'kle- -ɛ -nɪa 'de 'beɔ Dafidɪ 'kwa tɛɪn" ɛ, 'mo ɛ nɪ 'e 'kwa. -Bo 'mo kain 'bo -gbɛɪn" nyɔ -jea 'o kan, ɔ se nɪ-. 'De -bo 'ɪn kan 'o -gbɛɪn" nyɔ -jea 'o kain, ɔ se nɪ-. 'In 'naa :

8 'In juo -ma nɔɔdɪ 'mɛ. -In -gbɔn 'nɔ, 'ɪn kaiɛn -gbɛɪn" -je wɔn 'bo -ɪn "juɔi, nyɔ jɔɔ' se ɛ 'bɛɛ- ɔ 'je ɛ "wɔɪn kan-. -In se 'kpɪ -tuu" 'ble -mo, 'kaa ka -ma -jea 'ma wlu wɔn -wɛɛ -ɪn sea 'ma 'nynɪ 'a -tɪ' o 'bɔ ɛ, 'ɪn juɪ'.

9 -In -gbɔn 'nɔ, nyɔ -ɔɔa -daa' ɔɔa' -cɛ" Suifu -wɛɛ -ɔɔ se ɛ nɪ 'de -ɔɔa -tmɔa sɪ ɛ, ɔɔa' "jrui 'kɪn-gbu Satan 'blea, 'ma muɛ nɔa' nyɔ 'je 'de 'wɪɔ 'de ɔɔ 'je 'kɔi- i "sii- 'bo -ɪn "juɔi, 'de ka 'ɪn kma -ma -tɪ' ɛ, ɔɔ 'je ɛ juo-.

10 Dɛ -ɪn -bɛɛa' pɛɛ "wɔɪn -wɛɛ -ɪn -jea 'ma wlu wɔn, ɛmɛ -tɪ 'ma mu -mi i fua' -wɛɛ -sɔntɪ 'kle klaa" a mua jia' 'de 'blɔa "kpei ɛ 'jea nyɔ -wɛɛ' i -tɪn', ɛ se -mii" blai.

11 'In se 'ɪn -kwlei 'ma jea ji. Dɛ -ɪn -blea -ɪn kpɔɛn i -sisi', -wɛɛ nyɔ jɔɔ' je -ma -kei" Kea -teea -ɪn 'dei kpa.

12 Nyɔ -ɔɔ mua tɔ 'a "jrɪ kpa'a' a, 'ma muɛ ɔ 'ma Kea 'a -gbu" 'a -kwea' -gbaatu 'ɪn nɔɔa' -wɛɛ ɔ se -kwɪn 'wɪɔi 'bode. 'Ma muɛ 'ma Kea 'a 'nynɪ ke ɛɛ' -kwɪɔ ɔ 'nynɪ 'crɪa' 'bo ɔ "kpei, ɛmɛ -nɪ Selisalem -kwɪɔ -dɛɛ -ɛ -wɪba 'bo 'ma Kea -pɔn" 'de jaɔn 'di, ɛ ke 'ma 'nynɪ dɛɛ ke.

13 Nyɔ -nɪa doun" "jrɪ, wlu Kea 'a -Suu a 'tmɔa Kea -gbi -pee ɛ, ɔ pɔ ɛ doun" o !

Wlu -tmɔva' 'de Laodise Kea -gbu -pee ε

14 "Ju 'ɪn 'jeea "jriε- -nɔ, ɔmɔ -wlu 'ɔn -pee ka ke'wɛ -ɔ -na : Wlu -ɪn -jea 'cru -wɛε -ɪn -jea Laodise Kea -gbu 'a "jru kpɔ' i -tei kpa, ε ka :

'Mɔ -ɔɔ 'nyɪnɪ nɪa Kɪɪn, -wɛε -ɔɔ -tmɔva tɔ' -tɪ 'de -ɔɔ' pɔɔa wlu fai" ε, dɪ "klein Kea nɔva 'mɔ ɪ tba 'e "jri.

15 Dε 'ma 'tmɔva -ɔn -pee, ε ka, 'ɪn 'naa :

'ɪn juo -ma nɔɔdɪ 'mε. Ka -ɪn sea dee' nɪ- 'de -ɪn sea 'jru 'ɔn nɪ ε, 'ɪn juɪ'. -Bo -ɪn -je dee' nɪ ε, -mε -ɪn -nɪ dee', 'de -bo -ɪn -je nε' nɪ ε, -mε -ɪn -nɪ nε' !

16 -Jε -ɪn -nɪa "blɛu blɛu -wɛε -ɪn sea dee' nɪ-, 'de -ɪn sea nε' nɪ ε, 'ma muε -ɔn wɔn -saa'.

17 -ɪn -na -ɪn -nɪε "wliεjei, -ma 'dɔɔ nmɔ', dε jre' se -ɔn 'kwa -pɔn. 'De ka -ɪn -nɪa "nmianɔ -wɛε -ɪn -blea wɛε-, 'de nɪa" a 'dba -ɔn -wɛε -ma "jri wa 'de -ɪn cɛan kui' -ɪn sɪ juo-.

18 'De εε' -tɪ 'ɔn, 'ma -tuε" -ɔn 'snɪ -ɪn ji 'sani -tɪn' 'nɔ 'ɔn ɔ. εε' 'sani tu jiiε 'bo nε 'ɔn -wɛε ε nɪ 'pepe, 'de -ɪn -je "wliεjei -cɛɛn' 'kpa. -ɪn ji 'ɔnpaadɪ plu -tɪn' -wɛε -ɪn -je 'ɔnpaa- 'de -ɪn je kui cɛn -wɛε -tɪn' je -mii" 'dbaa. -ɪn ji "jri kɔun -tɪn' -wɛε -ɪn -je "jri po 'de -ma "jri 'je i 'je.

19 Nyɔ -ɔva -tɪ' 'ɪn kma a, ɔɔpɔ 'ma -cε' "bli -wɛε 'ma -sa kplɪn 'kwa i. -Jε ε nɪa kan' -mɔ 'ja a, -mε -ɪn -duo" 'kpu 'ɔn -wɛε -ɪn -je -ma dɪsain "i juo- 'de -ɪn -ju 'kpu "i to-.

20 -ɪn -gbɔn 'nɔ, 'ɪn ka, 'ɪn nɪε 'bo -gbu" wɔ, -wɛε 'ma bla klu. Nyɔ "ɔ nyɔ -wɔan 'ma klublawlu -wɛε -ɔ -kain -a 'bo -gbein" ε, 'ma muε 'de ɔ ɔ -gbu" paa' -wɛε 'ɪn ke ɔ 'je sɔn -tadue po.

21 Nyɔ ɔɔ mua tɔ 'a "jru kpa'a a, 'ma muɛ nɔa' -wɛɛ ɔ ke 'ma -a -je 'o 'ma 'beɔkpa-tɛ "kpei -te. Ka 'mɔ kpa tɔ 'a "jru -wɛɛ 'ɪn ke 'ɪn "Bo -tea i 'bo ɛɛ' 'beɔkpa-tɛ "kpei ɛ.

22 Nyɔ -nɪa doun" "jru ɛ, -mɛ wlu Kea 'a -Suu a 'tmɔa Kea -gbi -pee ɛ, ɔ po ɛ doun" o !

4

Kea "juɔi -gbɛɛ' sɔn -nɪa 'e javn 'di ɛ

1 Dɪ -nɪa 'mɔa- -mɪ 'wɔa 'o -jei" 'sɔ ɛ, 'ɪn 'jɛɛ -gbɛɪn" -je "jriɛ- -ɛ -kain wɔn 'bo javn-kwɔ. 'Sɔ wlu 'ɪn 'wɔan tɛɪn" -wɛɛ ka -kavɔn 'a wlu nɪa -ɛ -nɪa kan' a, ɛ wluɛ 'ɔn -pee ke'wɛɛ, ɛ 'na : -ɪn -ja -ta, -wɛɛ dɪ -ɪ -jea nɔɔɛ 'bo -mɛ 'de, 'ɪn 'jɪ -ɔn tɔɔ-.

2 'Bo ɛ "sri Kea 'a -Suu "ji 'de 'ɔn -wɛɛ 'ɪn 'jɛɛ- 'beɔkpa-tɛ due' "jriɛ- 'de javn 'di. 'Bo ɛɛ' 'beɔkpa-tɛ -tu "kpei, nyɔ jɔɔ' -te 'o.

3 ɔɔ' "jua- a fan' ka "sei-kɪɪ -ɪ -nmɔa "jrii a fan, 'kamɔ ɛ nɪ-. Ia' "sei tu 'a 'nyɔnɪ -nɪ Sasipɔ ke Sadoanɪ ke-. "Ni 'a bli' ɛɛ 'dba a, ɛmɛ -pɪn' ɔɔ' 'beɔkpa-tɛ 'dei -wɛɛ -ɛɛ fan ka "sou-kea' nyɔ a 'daa- Emerodɪ nɪa.

4 'ɪn 'jɛɛɛ 'beɔkpaɛ 'a kwla 'sɔɔn 'jɔ -nyiiɛ "jriɛ-ke -wɛɛ -ɪ -gbaɛ' ɛɛ' 'beɔkpa-tɛ -tu 'dei. 'Bo ɪ "kpei ɛ, nyɔ-ɔɔn' 'a kwla 'sɔɔn 'jɔ -nyiiɛ -te 'o. ɔɔ -wɛɛ' paa dɪ plu 'ɔn -wɛɛ ɔɔ -tu" 'sani tɔ "bofan nɔa "jru.

5 -Ta 'beɔkpa-tɛ -nɛ nɪa 'bo a crɛ "jrii -blɛ -blɛ ka "ni a crɛa "jrii ɛ, -wɛɛ wlu -tuu"-tuu ke "ni 'a "planwlu a 'wɔ 'o -ke. 'Bo ɛɛ' 'beɔkpa-tɛ -tu "juɔi ɛ, 'ɪn 'jɛɛɛ -tai -mɛ" 'sɔn "jriɛ- -wɛɛ -ɪa wan, ɪmɪ -nɪ Kea 'a -sii -mɛ" 'sɔn.

⁶ 'De -tai -mε" 'son -nι "juoi ε, "nifla' klaa" -nι 'o -ε -te "jri tein kpee.

'In 'jeeε 'kmɔnɔdɔ -nyiiε' "jriε- 'de 'beokpa-te -ne -pɔn" -ι -gbae' ε 'dei. I -wee' nιε "jri kui' 'de nya o 'de de o.

⁷ Ia' -jε -saa "i ε, ka -plaa nιa, 'kamɔ -mε nι-. Ia' 'sɔɔn -ne ke bli' beo -tɔo -kooɔ'. Ia' taan -ne 'bleε nyiɔ 'ɔ "jua-, -wεε ia' -nyiiε -ne ke -cii" -εε -wan" -kooɔ'-.

⁸ 'De 'kmɔnɔdɔ -nyiiε' -nι, ι 'bleε kpoa" wli -mεεo"- due 'due -wεε ia' ku -wee' nι "jri 'a 'sɔ -ta "o -ta. 'Kamɔ ia -gbaεε' Kea jeejee 'de "mau'wι o, 'jru -gbaowι 'di, ia wlu' ka, ι 'na :

Tɔ"bo Kea, ε -kwε- i, ε -kwε- i, ε -kwε- i εmε
 "ikmaa' -wee' "klein nιa 'e 'kwa a, ε nιε
 'kmɔ tein" -wεε ε nι 'kmɔ -sɔan, 'de εε mu
 jia', εε' dɔ -wee' "klein -teeε "i -wεε ε -kwε-
 i kpe taan !

⁹⁻¹⁰ "Ju -tea i 'bo 'beokpa-te "kpei -wεε -ɔ -nιa 'kmɔ jeejee ε, ka 'kmɔnɔdɔ -nyiiε -nι a -tea' ɔɔ' nι' -wεε ia 'bεεa ɔɔ' 'nyɔnι "i 'de ia po ɔ 'sε- ε, 'kamɔ nyɔ-cɔɔn' 'a kwla 'sɔɔn 'jɔ -nyiiε -nυ a "sii- 'kɔi- i 'bo ɔ "juoi -wεε υba -gbaεε' ɔ, 'de υυ -sa υba' tɔ"bofan "jru -wεε υυ po ι 'bo ɔɔ' 'beokpa-te "juoi, 'de υba 'nυ :

¹¹ -Aa Tɔ"bo Kea, ε -nιε εε' ka -wεε nyɔ 'je εε' nι' -te', 'de nyɔ 'je εε' 'nyɔnι "i 'bεε-, -wεε nyɔ 'je εε' "ikmanynι kpaα-, dε-nυε' εmε -nυ' dɔ -wee' "klein, 'de εε' -kwɔɔtɔ 'ɔn mɔ ι -wee' nυεε -wεε ι nι 'kmɔ !

5

'Sbepun- ke 'blaaɔu ke

1 'Sɔ 'ɪn 'jɛɛ 'sbɛpun- due' 'jriɛ- 'de 'ju -tea i 'bo 'beɔkpa-tɛ "kpei 'a dɪansɔn 'kwa. 'De ɛɛ' 'sbɛ tu "kpei ke 'di -wee' 'crɪɛ -wee dɪ -kɛn' "wɔɪn ɛ, ɪ nɪ kpe -mɛ" 'sɔn.

2 'De 'ɪn 'jee Kea 'a "soai -kmai" 'jriɛ- -wee ɔɔ kpa wlu "jɛi ɔɔ 'tmɔv- nyɔ -wee', ɔ 'naa : Nyɔ -jɔ -nɪ 'sbɛpun- -nɛ 'ɛ "wɔɪn kain ka -wee -ɔ -je ɛ' 'kpɪn 'di -sa a- ?

3 'Kaa nyɔ -jea 'e jaɔn 'di o, 'nɔ 'blva- "kpei o, 'de -klu' 'wlv -wee -ɔ -je ɛ "wɔɪn kain 'de -ɔ -je ɛ ja -gbɔn, ɔ se nɪ-.

4 'Sɔ 'ma -fɪn", dɛ-nvɛ' nyɔ -jea 'sbɛpun- -nɛ 'ɛ "wɔɪn kain ka o, ɛɛ' ja -gbɔn -ka nɪ, ɔ se nɪ-.

5 Nyɔ-cɔɪn' -wi" 'a due' wlu' 'de 'ɔn -pee ɔ 'na : -ɪn -bo -fɪn" ɛ, -ɪn -gbɔn 'nɔ, "ju ka -plaa nɪa -ɔ -nɪa kan' -ɔ -wlvɔ 'e Suida 'a -nɛ -kwlvɔn ke Dafɪdɪ 'a "ji 'di ɛ, ɔ kpa tv 'a "jru 'mɛ -wee ɔ 'je 'sbɛpun- 'a 'kpɪn -mɛ" 'sɔn -nɪ cɛn 'de ɔ 'jee "wɔɪn kain-.

6 'Ma -gbɔn a 'e 'sɔ 'ɪn 'jɛɛ 'blaaju due' 'jriɛ- 'bo 'beɔkpa-tɛ 'ɛ -kwea'-, -ɛ -nyɪa i 'bo 'kmɔnɪdɪ -nyɪɛ' ke nyɔ-cɔɪn' 'a kwla 'sɔɔn 'jɔ -nyɪɛ 'a -kwea'-. ɛɛ' 'blaaju -kɔ' dɛ vɔ -saa 'sraa-. ɛ 'bleɛ -gbɔn -mɛ" 'sɔn ke "jri -mɛ" 'sɔn -ke, ɪmɪ -nɪ Kea 'a -sɪi -mɛ" 'sɔn ɛ dɔɔa 'de 'blva- -wee' "kpei ɛ.

7 'Sɔ 'blaaju 'kpa 'o 'wɛ -wee ɛ kpɔn 'sbɛpun- 'de 'ju -tea i 'bo 'beɔkpa-tɛ "kpei 'a dɪansɔn 'di.

8 ɛ "dua 'sbɛpun- -nɛ 'ɔn 'sɔ, 'kmɔnɪdɪ -nyɪɛ -nɪ o, nyɔ-cɔɪn' 'a kwla 'sɔɔn 'jɔ -nyɪɛ -nɔ "sɪiɛ 'kɔi- i 'bo ɔ "juɔi -wee vɔ 'ble -sɪplɔ kwa due 'due, 'de vɔ 'ble 'sani 'seti -jia" -dai'kwɔ 'di kwa. -Dai'kwɔ -nɛ mɛ -nɪ Kea 'a -jei" naɔvɔn 'a baewlu.

9 'Sɔ vɔ -teɛ 'dɔ dee ble 'a -pɔn" vɔ 'na :

-Mò -nì 'sbepun- -nɛ 'ɛ 'bɛn "duo- ka, -wɛɛ ɔ -jɛɛ "wɔin kain-, dɛ-nɛɛ' ɔɔ -saa -bɛn 'sraa-, -wɛɛ -ma nymɔ seie nyɔ a "ji -wɛɛ' o, wlu 'a kpɛ -wɛɛ' nyɔ a poa o, 'blɔa 'a blɔ' wɔn -wɛɛ' o, nyɔ 'a 'blee-blɔa -wɛɛ' 'dii 'de ɔɔ -nyɔ" ɔɔpɔ Kea.

10 -In nɛɛ ɔɔpɔ Kea 'a nyɔ 'bɛn -wɛɛ ɛ 'je 'beɔ nɛ-, 'de ɔɔ 'je -aa Kea "juɔi nɔɔ, -wɛɛ ɔɔ 'je 'blɔa- 'ble.

11 'Ma -gbɔn a 'e mu 'sɔ 'ma 'wɔn Kea 'a "soa -tuu"-tuu 'a wlu 'beɔkpɛ-tɛ 'dei -ta "o -ta, -wɛɛ ɔɔ -pin' 'kmɔnɔdɔ -nyiiɛ -nɛ o, nyɔ-cɔɔn' 'a kwla 'sɔɔn 'jɔ -nyiiɛ -nɛ 'dei. Ɔɔa' Kea 'a "soa tu cɛn -kwɔɔ -te "wlu 'di "wlu -te -kwɔɔ 'di "kpei -tie".

12 Ɔɔa kpa wlu "jɛi -wɛɛ ɔɔa wlu ka, ɔɔ 'na :
 'Blaaju ɔɔ -saa 'sraa- 'bɛn ɛ, ɔ nɛɛ ɛɛ' ka -wɛɛ nyɔ 'je ɔ "ikmaa' o, "wliiɛ- 'bleea' o, tɔ' 'dinɔa' o, 'kpɛ 'blea 'a 'nyɔnɔ kpaa-. Ɔ nɛɛ ɛɛ' ka -wɛɛ nyɔ 'je ɔɔ' ni' -te', ɔɔ 'je ɔɔ' 'nyɔnɔ "i 'bɛɛ- 'de nyɔ 'je ɔ "diwan po.

13 'Sɔ dɛ "klein Kea nɔa -wɛɛ -ɪ -nɪa 'e jaɔn 'di o, -ɪ -nɪa 'nɔ 'blɔa- "kpei o, -ɪ -nɪa 'e -klu' o, -ɪ -nɪa 'e 'tɔnɪɛ "kpei o, -ɪ -nɪa 'e 'tɔnɪɛ -sɔn o, 'ɪn 'wɔn ɪ -wɛɛ' 'a wlu ɪ 'na :

"Ju -tea i 'bo 'beɔkpɛ-tɛ "kpei ke 'blaaju ke, -a -bɛɛ' ɔɔa' 'nyɔnɔ "i, -a po ɔɔpɔ 'sɛ-, -a -te' ɔɔa' ni', -a -kpa ɔɔpɔ "ikmaa 'a 'nyɔnɔ 'de -sɔn "o -sɔn 'di.

14 'Sɔ 'kmɔnɔdɔ -nyiiɛ' -nɛ 'na : Kɪn, 'kamɔ ɛ nɛ-. -Wɛɛ nyɔ -cɔɔn-wi" -mɔ "sii- 'kɔi- i 'de ɔɔa -gbɛɛ'.

6

'Sbepun- 'a "wɔinkandi

¹ 'Ma -gbun a 'e mu 'su, Kea 'a 'blaaju cen 'kpɪn -mɛ" 'sɔn -ɪ -blaa 'sbɛpun- pun 'di -nɪ 'a "i-saa -nɛ 'mɛ 'su 'kmɔnɪdɪ -nyiiɛ' -nɪ ɪa' due' wlu'. ɛɛ' wlu 'ɪn 'wɔan a, ka -tɛn ɛ "plan a, 'kamɔ ɛ nɪ-. ɛ 'na : -ɪn ji !

² 'Ma -gbun a 'e mu 'su soo" plu due' -taan'. "Ju -tea 'bo ɛ "kpei ɛ, ɔ 'bleɛ plu. Tɔ"bofan -bo nyɔ kpa tɔ 'a "jru -wɛɛ nyɔ a "nyɪ ɔ, ɛmɛ ɔɔ "nyɪ ɔ. ɔ nɪɛ tɔ 'a "jru kpai -o -wɛɛ ɔ 'je tɔ 'a "jru kpa ke'wle.

³ 'Bo -mɛ 'de ɛ, -bo Kea 'a 'blaaju kain 'sbɛpun- 'a 'kpɪn 'a kpe 'sɔɔn -nɛ "wɔɪn 'su ɛ, 'ɪn 'wɔn 'kmɔnɪdɪ -nɪ 'a 'sɔɔn -nɛ 'ɛ wlu. ɛ 'na : -ɪn ji !

⁴ 'Su soo" jɾɛ' -taan', -mɛ -sain'. "Ju -tea 'bo ɛ "kpei ɔɔ "nyɪ ɔ "ikmaa' -wɛɛ ɔ 'je pɛɛ 'a blua' 'de 'blua- "kpei -sa, 'de nyiɔpɔ- 'e ba 'dba. ɔɔ "nyɪ ɔ -cnɛ klaa" -ke.

⁵ 'Bo -mɛ 'de ɛ, Kea 'a 'blaaju kaian 'sbɛpun- 'a 'kpɪn 'a kpe taan -nɛ "wɔɪn, 'su 'ɪn 'wɔn 'kmɔnɪdɪ -nɪ 'a taan -nɛ 'ɛ wlu, ɛ 'na : -ɪn ji ! 'Ma -gbun a 'e 'su 'ɪn 'jɛɛɛ soo" jɾɛ due' "jɾiɛ-. "Ju -tea 'bo ɛ "kpei ɛ, ɔ 'bleɛ dɛ dbaade kwa.

⁶ 'Su ɛ -kɔ' -na 'ɪn 'wɔn wlu jɾɛ' -ɛ -wlu 'e 'kmɔnɪdɪ -nyiiɛ' -nɪ "klu, ɛɛ' wlu tu 'na : Nyɔ 'je 'wɪ due' dbo 'a -kei" 'ɔn "duo- -o, -wɛɛ ɔɔ 'je fai'pɔ 'a 'keinke due' -tɪn'. 'De nyɔ 'je 'wɪ due' dbo 'a -kei" 'ɔn "duo- ke'wle -wɛɛ ɔɔ 'je kɔ 'a 'keinke taan -tɪn'. 'Kaa -ɪn -bo 'cna ke nmɔ -mɪ "i blaa.

⁷ Kea 'a 'blaaju kaian 'sbɛpun- 'a 'kpɪn 'a kpe -nyiiɛ -nɛ "wɔɪn 'su ɛ, 'ɪn 'wɔn 'kmɔnɪdɪ -nɪ 'a -nyiiɛ' -nɛ 'ɛ wlu, ɛ 'na : -ɪn ji !

8 'Ma -gbɔn a 'e 'sɔ 'ɪn 'jɛɛ soo" due' 'jriɛ-, -mɛɛ' soo" tu kpa kpea' -jei". 'Ju -tea 'bo ɛ "kpei ɛ, ɔɔ' 'nyɪn -nɪ 'mɛa'. -Wɛɛ "ju ɔɔa 'daa- 'mɛɔn 'a -kwɔɔ -mɔ kɔn 'bo ɔ 'de. Ʋɔ 'nyɪ ɔɔpɔ 'ikmaa' -wɛɛ ɔɔ 'je 'blɔa 'a 'fɔ -nɪa -nyiiɛ 'ɛ due' 'ble, 'de ɔɔa 'dbaa nyɔ -cnɛ 'i, ɔɔa nɔɛ' -wɛɛ 'mɪɛ- o, 'wɛ- o, 'kwla 'dinmi a 'dba nyɔ.

9 Kea 'a 'blaaju kain a 'sɛpɔn- 'a 'kpɪn 'a kpe -mm" -nɛ "wɔɪn 'sɔ ɛ, 'ɪn 'jɛɛ -sii -tuu"-tuu 'jriɛ- 'bo Kea 'a 'sraa -sa 'ɪn -sɔn. Nyɔ -ɔɔ -jea Kea 'a wlu tɔ' 'ɔn -ɔɔ -tmɔ ɛ, -wɛɛ nyɔ ɔɔ 'dba 'de ɛɛ' -tɪ' 'ɔn ɛ, ɔɔa' -sii -o.

10 'De ɔɔa kpa wlu "jei ɔɔa wlu ka, ɔɔ 'na : Ʋɔ"bo Kea ! -Aa 'Blei, -mɔ -kwɛai -wɛɛ -ɔɔ -tmɔa tɔ' -tɪ ɛ, blaano" nyɔ -ɔɔ -dba' -a -kwɔɔi 'de 'blɔa- "kpei -ɪn -je ɔɔpɔ 'a 'pee 'je -wɛɛ -ɪn -je -aa nymɔ kpan o -sa a- ?

11 'Sɔ ɔɔ "nyɪ ɔɔpɔ "bai plu due 'due, -wɛɛ ɔɔ wlu ɔɔpɔ -pee ka, ɔɔ 'na : Ao -te i dɛ-saan" ke, ao 'je 'o fɔn- mamaɔ 'sɔ aɔa' de'di -wi" -ɔɔ -ke ao nɔa Kea 'a dɔo -tadue ɛ, ɔɔa' -tɪsɔn 'je 'o nyɪn, dɛ-nɔɛ' ka 'kmɔ "kpeinyɔ 'dba aɔpɔ ɛ, 'kamɔ ɔɔa mu ɔɔpɔ 'dbaa' -ke.

12 'Ma -gbɔn a 'e 'sɔ Kea 'a 'blaaju kaiɛn 'sɛpɔn- 'a 'kpɪn 'a kpe -mɛɛo"- -nɛ "wɔɪn 'sɔ 'blɔa- crɛ' -klikli, 'jɪɔ -wee' -saa "i, ɛ kpe' -pɪpɪ ka tae' jre nɪa. 'Cɔ -wee' -saa "i, ɛ -sain' -crɪ' ka nymɔ nɪa,

13 -wɛɛ 'cɔ-sɪn a 'wɔ 'e jaɔn 'di, ɪa blu 'nɔ 'blɔa- "kpei. Ka pɔɔ' klaa" a jiiɪa crootu 'ɔn -wɛɛ ɛɛ' -pɔɛ" a 'wɪa a, 'kamɔ ɛ nɪ-.

14 'Sɔ jaɔn 'wɔɛ -jei" ka nyɔ ɔ 'fea srɛ', 'kamɔ ɛ nɪ-. 'Sɔ crɔɔ o, 'blɔa- nɪa "nɪ 'a du 'dii o, ɪ -wee'

'wɫɔɛ -kwlin'.

¹⁵ 'De ɛɛ' nɔ" tu 'di ɛ, 'beɔ-wi" -nɪa 'blɔa- "kpei-o, nyɔ -jeopoun o, "sɔɪ 'a klæe" o, "wliɛjeun o, "ikmaun o, kɔɔnpɔ- o, -cɛ" -peeteun ke ɔɔ -wee' "klein a pa 'kwla 'de crɔɪ 'a -kwlewɔn 'dii ke "sɔɪ-klæe" -sɔɪn.

¹⁶ 'De ɔɔa wlu crɔɪ ke 'soa- -pee, ɔɔ 'na : I blu 'de -a "kpei -wɛɛ ɪ 'je -a 'kwla -tu" 'de "ju -tea i 'bo 'beɔkpa-tɛ "kpei je -a "jriɛ- 'jee- -wɛɛ ɛɛ' 'blaaju je -a 'cɛn i kpaɪ'-,

¹⁷ dɛ-nɔɛ' ɔɔa' 'cɛnkpa- sɔn klæa" -sɪn' -wɛ-. 'De nyɔ -jɔ -je -mɛ 'ɛ -sɔn' tu "juɔɪ nyɪa 'nɔ 'kmɔ ɛ- ?

7

Nyɔ 'a -kwɫɔ 'a -puue 'jɔ -nyiiɛ "wlu -nyiiɛ (144 000)

¹ 'Bo -mɛ 'de ɛ, 'ɪn 'jeeɛ Kea 'a "soa-wi" -nyiiɛ "jriɛ- -wɛɛ -ɔɔ -nyɪa 'blɔa 'a 'fɔ -nɪa -nyiiɛ o i 'de -ɔɔ kɔn pɔɔ' -nɪa -nyiiɛ i -wɛɛ ɪ je 'blɔa- o, 'tɔnɪɛ o, tu "o tu 'ɔn jii 'nɔ 'kmɔ "kpei.

² -Wɛɛ 'ɪn 'jee- Kea 'a "soaɪ jrɔ' "jriɛ- 'de 'jrɔ 'a 'wɫɔ 'ɪn fɔ o, dɛ 'kmɔnɪ Kea a -tuu" a nyɔ juo'ɪn ɛ, ɛmɛ -mɔ 'ble kwa. 'De ɔ kpa wlu "jɛi kpleiin -wɛɛ ɔ wlu Kea 'a "soa -nyiiɛ -nɔ -pee. ɔɔa' Kea 'a "soa tu ɛ, ɔɔ -tɛɛ 'blɔa- ke 'tɔnɪɛ 'a dooa -tɪ' 'a kein"ke.

³ 'Kaa ɔ 'na : Ao 'bo 'blɔa- ke 'tɔnɪɛ ke ti desɔn "jrii nɔɔɛ ! Ao fuo -aɔn, -bo -a -kɔ' -aa Kea 'a dɔnɔɔn 'a "jua- juo 'ɪn -tu" 'a -wɛɛ.

⁴ 'Sɔ nyɔ -ɔɔ -tuua" juo 'ɪn ɛ, 'ɪn 'wɔn ɔɔa' -tɪsɔn 'a 'nyɪnɪ : ɔɔ 'wɫɔɛ 'de Israɛ-kɔɔn 'a -kwɫɔn -nɪa -puue 'jɔ 'sɔɔn 'dii -wɛɛ ɔɔ nɪɛ -kwɫɔ 'a -puue 'jɔ -nyiiɛ "wlu -nyiiɛ (144 000).

5 Nyɔ 'a -kwɔɔ due' "wlu 'sɔɔn (12 000) -wɔɔ 'e -kwɔɔn "o -kwɔɔn 'di :
 nyɔ 'a -kwɔɔ due' "wlu 'sɔɔn 'wɔɔe 'e Suida 'a "ji 'di,
 -kwɔɔ due' "wlu 'sɔɔn 'wɔɔe 'e Ruiben 'e "ji 'di,
 -kwɔɔ due' "wlu 'sɔɔn 'wɔɔe 'e Gaadɪ 'a "ji 'di,
 6 -kwɔɔ due' "wlu 'sɔɔn 'wɔɔe 'e Aseɛ 'e "ji 'di,
 -kwɔɔ due' "wlu 'sɔɔn 'wɔɔe 'e Neftali 'a "ji 'di,
 -kwɔɔ due' "wlu 'sɔɔn 'wɔɔe 'e Manase 'a "ji 'di,
 7 -kwɔɔ due' "wlu 'sɔɔn 'wɔɔe 'e Simeɔ 'ɔ "ji 'di,
 -kwɔɔ due' "wlu 'sɔɔn 'wɔɔe 'e Lefi 'a "ji 'di,
 -kwɔɔ due' "wlu 'sɔɔn 'wɔɔe 'e isaka 'a "ji 'di,
 8 -kwɔɔ due' "wlu 'sɔɔn 'wɔɔe 'e Sabilɔn 'ɔ "ji 'di,
 -kwɔɔ due' "wlu 'sɔɔn 'wɔɔe 'e Soseɔ 'a "ji 'di,
 -wɛɛ -kwɔɔ due' "wlu 'sɔɔn 'wɔɔ 'e Bensameɛ 'e "ji 'di, 'de ɔɔ -wee' -tuu" ε juo 'ɪn.

Nyɔ -tuu"-tuu a -gbɛɛ' Kea "juɔi

9 'Ma -gbɔn a 'e 'sɔ 'ɪn 'jeeɛ nyɔ -tuu" "jriɛ-, ɔɔa' nyɔ tu se -sro' -ta 'ble. Nyɔ -ɔɔ -wɔɔa 'beɔɔɔ -wee' 'dii o, nyɔ 'a -kwɔɔn -wee' 'dii o, nyɔ -wɔɔa 'blɔa 'a blɔ' wɔn 'dii ke wlu "klein nyɔ a poa ɪa' nyɔ ke. Ɔɔ -wee' paa dɪpli 'ɔn 'de ɔɔ 'ble -gbɔn' kwa -wɛɛ ɔɔ nɪ 'o 'beɔkpa-tɛ ke Kea 'a 'blaaju "juɔi.

10 'De ɔɔ kpa wlu "jɛi -wɛɛ ɔɔa wlu ka, ɔɔ 'na : 'Pɔɔa' nɪɛ 'de -aa Kea -ɛ -tea i 'bo 'beɔkpa-tɛ "kpei ke 'blaaju 'kwa.

11 'Sɔ Kea 'a "soa-wi" -pian' 'beɔkpa-tɛ 'dei o, nyɔ-ɔɔn' -nɔ o, 'kmɔnɔɔɔ -nyiiɛ' -nɪ o, ɔɔ -wee' "siiɛ "jua- i 'bo 'beɔkpa-tɛ "juɔi -wɛɛ ɔɔa -gbɛɛ' Kea.

12 Ɔɔ 'na : Kɪn, tɔ' -o, 'kamɔ ε nɪ -cɛɛn'- ! -Aa Kea mɛ -ɛɛ 'nynɪ nyɔ 'je "i 'bɛɛ- -wɛɛ -ɛ -je 'nynɪ 'wɔɔ, ɛmɛ -nɪ tɔ'di, ɛmɛ nyɔ 'je 'sɛ po -wɛɛ -ɛɛ nɪ

nyu 'je -te'. ɛmɛ -kmai" -wɛɛ -ɛ -ble 'kpi jeejee. Tɔ' -o, 'kamɔ ɛ ni -cɛɛn' - !

13 'Su nyu-cɔɪn' -nu 'a due' -teeɛ' 'mii, ɔ 'na : Nyu -paa dɪpli 'ɔn -ta 'ee, -ɪn -juo uɔpu 'mɛɛ ? 'De -ta uɔ 'wɪba -ɪn -juo 'o 'ɛɛ ?

14 'Su 'ɪn 'na : "ɪn-, nyɔ -cɔɔn'-, -mɔ -juo 'o, 'mɔ se 'o juo-. -Wɛɛ ɔ wlu 'ɔn -pee ka, ɔ 'na : Nyu -ma -jea i -ta, ɛ nyu -uɔ -jiia 'e 'kle klaa" 'ɔn, uɔpu -o. Kea 'wɪɔɛ uɔa' dɪsain "kpei, dɛ-nuɛ' 'blaaju -saa 'sraa- 'ɔn, -wɛɛ -ɛɛ nmɔ 'wla i ɛmɛ -nuɛ' -wɛɛ uɔa' 'ɔnpaadɪ "plu.

15 Uɔ 'wɔɔn- ɪa' wɔɔ-tɪ 'mɛ, ɛmɛ -tɪ uɔ ni 'o Kea 'a 'beɔkpa-tɛ "juɔi. 'De "mau'wɪ o, 'jru-gbaowɪ 'di ɛ, uɔa nuɔ ɛ "juɔi 'de ɛɛ' -gbu" 'di. "Ju -tea i 'bo 'beɔkpa-tɛ "kpei ɛ, ɔmɔ -ɔɔ -fli -cri" uɔ "kpei -wɛɛ -ɔɔ fuo uɔpu i.

16 'Mɪɛ- ke 'ni 'natɔn se uɔpu nuɪ 'bode, -tɛnjru se uɔpu faan i, mɔɔ' jɾɛ' se uɔpu nu i 'bode,

17 dɛ-nuɛ' 'blaaju -ni'a 'o 'beɔkpa-tɛ 'ɛ -kwea' mɔ -ɔɔ mu uɔpu 'a -tɪ' -tu" 'a, ɔmɔ -ɔɔ mu uɔpu -je o poa' -wɛɛ -ta 'kmɔni ni 'a "jru ni'a, -ɔ -je 'o uɔpu kpa, -wɛɛ Kea 'je uɔpu "miini "jri i-sa.

8

'Sbɛpun- 'a 'kpin 'a kpe -mɛ" 'sɔn -nɛ

1 -Ta 'blaaju kain a 'sbɛpun- 'a 'kpin 'a kpe -mɛ" 'sɔn -nɛ "wɔɪn 'su ɛ, 'de jaɔn 'di -wee' nuɛ -tun" aa, ɛ -fɔn' 'e -paii.

2 'Su 'ɪn 'jeeɛ Kea 'a "soa -mɛ" 'sɔn -ni'a 'o Kea "juɔi "jriɛ-, -wɛɛ uɔ "nyɪ uɔpu dɔ-klee -mɛ" 'sɔn.

3 'Su Kea 'a "soai jɾɔ' ji 'de ɔ nyina i 'bo 'sraa -sa 'ɪn -ɛ -ni'a 'o 'beɔkpa-tɛ "juɔi -puɔn". ɔ 'bleɛ 'kwlan

-ε 'di nyv a pooa -dai'klo "jri kwa. Εε' 'kwlan tu ε, 'sani -nyε'. 'Su υυ "nyv o -dai'klo -tuu" -wεε o 'je ε 'sraa- -saa 'bo 'sraa-sa'in 'sani nva "kpei, ε ke Kea 'a -jei" naavv -wee' "klein 'a baewlu ke.

⁴ -Dai'klo o poa "jri 'de 'kwlan 'di -nε, εε' dao' ke Kea 'a -jei" naavv 'a baewlu a 'wlvε 'e Kea 'a "soai -no 'kwa -wεε ιa mu "jei -tadue 'de ιa mu 'o Kea "juoi.

⁵ 'Su Kea 'a "soai -sa nε 'bo 'sraa -sa 'in -wεε o "jiie 'de 'kwlan -nε 'di. 'De o -fi" e ε ke nε -wee' 'no 'blva- "kpei. O -fi" ε 'sv ε, "ni 'a "plan-cruen" ε 'kpaα, 'blva- a crε'.

Kea 'a "soa-wi" -teε dō-klee blaα' -pvn"

⁶ 'Bo -mε 'de ε, Kea 'a "soa-wi" -mε" 'son -υυ -blea dō-klee -mε" 'son ε, υva nmaεε dι -wεε υυ 'je ι bla.

⁷ 'Uva' -jo -saa "i bla dō-klee 'sv ε, "ni kvv o, nε -ε -ke nmō "beea "jrii -fi" ε' 'no 'blva- "kpei. 'Su 'blva- -ε -seea' 'vn kpe taan a, εε' 'fo due' 'kpa "jri, ti -ι -seea' 'vn kpe taan a, -mι 'a too 'kpa "jri, -wεε sii" -wee' sin -ke.

⁸ 'Uva' 'soon -no bla dō-klee 'sv ε, dε jre' ka crvjo nιa, -ε -nιa kan' a, -wεε -ε -nιa nεmυo o 'sv ε, ε -fi" ε' 'no 'blva- "kpei -wεε ε -ka i 'de 'tonie wōn. 'Su 'tonie -ε -seea' 'vn kpe taan εε' too due' -snεε nymō 'vn.

⁹ Dι -ι -nιa 'kmb 'de 'tonie -son -wεε -ι -seea' 'vn kpe taan ιa' kpo due' 'mεε -wεε -bato' -ι -seea' 'vn kpe taan ιa' kpo due' son i -ke.

¹⁰ 'Uva' taan -no bla dō-klee 'sv ε, 'cv-sυv 'a klaa" -εε fan ka -tau a wan ε 'wlvε "jei -wεε ε blu 'no 'blva- "kpei. 'De ε -ka i 'de juuo -ι -seea' 'vn kpe taan 'a due' ke "ni 'a "jru -wee' "kpei-.

11 Εε' 'cɔ-sɪn tu 'a 'nɪnɪ -nɪ "Kae "kɪ. "Ni -seea' 'ɔn kpe taan ɪa' due' -nɪ "kae' "kɪkɪ. Nyɔ -tuu"-tuu -na ɪa' "ni tu ε, ɔɔ -wee' "klein 'mεε.

12 Ʈɔa' -nyiiε -nɔ bla dɔ-kleε 'sɔ 'jɾɔ o, 'cɔ o, 'cɔ-sɪn o, dɪ -ɪa kpe nɪa taan 'mɔa-, -ɪ -seea' 'ɔn 'ε kpe tan tan, ɪa' tɔo due 'due sɔn i -wεε ɪ 'bɔ fan-tɪ. 'Sɔ 'jɾɔ -gbaɔwɪ ke "maɔ'wɪ 'a tɔo due' kpe' -plipli.

13 'Ma -gbɔn -a 'e 'sɔ 'ɪn 'jeeε -cii" due' 'jɾiε- 'de jaɔn 'a 'keeki' -wεε -εε -wan", 'de -εε kpa wlu "jei -wεε -εε wlu ka : Wεε -tɪ oo ! Wεε-tɪ oo ! Ε nɪε "nmia-tɪ -o 'de 'blɔa "kpeinyɔ 'a -tɪ' 'ɔn oo, -a -blu" -aa- ! -Ta Kea 'a "soa taan -sia 'o ɔɔa mua dɔ-kleε bla' -mε "nmia -tɪ -a ji 'blɔa 'dinyɔ "kpei !

9

Dɔ-kleε 'ε kpe -mm" -nε ke kpe -mεεo"- -nε ke

1 'Bo -mε 'de ε, Kea 'a "soa-wɪ" -mε" 'sɔn -blea dɔ-kleε -mε" 'sɔn kwa -nɔ, ɔɔa' -mm" -nɔ bla dɔ-kleε 'mε 'sɔ 'cɔ-sɪn -ε -wɔɔa 'e jaɔn 'di -wεε -ε blua 'nɔ 'blɔa- "kpei ε, 'ɪn 'jee ε "jɾiε-. Ʈɔ "nyɪ ε -da'kle -wεε ε 'je "bie-gbau" klaa" "wɔin kain. Εε' "bie-gbau" tu tɛn 'di -su' bii.

2 Ε kain a "bie -nε "wɔin 'sɔ ε, dao' -gblɔn -a 'wɔa 'de ε 'di ka nε-gbauo klaa" 'a dao' nɪa. -Wεε 'jɾɔ ke 'de "jei -wee' nɪ -plipli 'de dao' -nε 'ε -tɪ' 'ɔn.

3 'De dao' -gblɔn -nε 'ɔn 'demɔ 'plɔn-too' 'wɔɔ -wεε ɪ -gbaa 'blɔa- "kpei-. 'Sɔ ɔɔ "nyɪ "ikmaa' -wεε ka -kɪan" -kɪan' nɪa 'nɔ 'blɔa- "kpei 'a -ku' nɪa, ɪa' -ku' nɪ kan'.

4 -Wεε ɔɔ wlu ɪ -pee ka, ɔɔ 'na : ɪ 'bɔ sii" o, ti o, dɪ -ɪa mεa 'bo 'blɔa- "kpei desɔɔn "jɾii nɔε, 'kaa

nyɔ Kea 'a juo 'ɪn sea 'o "juɔi nɪ ɛ, ʊba' 'sɔ mʊ ɪ
'je desavɪn "jrii nɔ.

⁵ ʊb se 'o wlu cɛn -wɛɛ 'plain -too' 'je ʊba' nyɔ
tu 'dba, 'kaa ʊb 'na ɪ -tu" ʊɔɔɔ 'kle 'de 'cɔɪ -mm"
'di, -wɛɛ ɛɛ' 'kle tu 'je ʊɔɔɔ i "wee- ka -bo -kɪan"
-kɪan' nmu nyɔ -wɛɛ ɛɛ "weea', 'kamɔ ɛ nɪ-.

⁶ 'De ɛɛ' 'wɪ tu 'di ɛ, nyiɔɔɔ a muɛ 'mɛa' i -pɔan',
'kaa ʊb se ɛ 'jei. ʊba muɛ 'mɛa' "i nɪa', 'kaa ɛɛ
muɛ ʊɔɔɔ o tɛɛan' fiin.

⁷ Ia' 'plain -too' tu ɛ, ɪ -kɔ' soe" nyɔ nmaea tɔ
-fɔn' -tɪ ɛ, -wɛɛ dɛ jɾɛ' ɛ fan 'bo ɪ "jru ka 'sani
-gbla nɪa. Ia' "jua- -kɔ' nyiɔ 'ɔ "jua-.

⁸ Ia' "mɪ- -kɔ' 'nynɔkpaɛ' 'a "mɪ-, -wɛɛ ia' 'nynɪ
-kɔ' -plaa 'a 'nynɪ.

⁹ Dɛ ɪ paa 'ɔn ɛ, ka nɪɛ nɪa, 'kamɔ ɛ nɪ-. Ia'
nai 'a -cruɛn" kmai", ka tɔ -fɔn' soe" -tuu"-tuu a
plea -wɛɛ ia -cria' tɔ -fɔn' 'kamɔɔ 'de ia' -ciin 'a
-cruɛn" beea o ɛ, 'kamɔ ɛ nɪ-.

¹⁰ Ia' -kɔn' -kɔ' -kɪan" -kɪan' 'a -kɔn' -wɛɛ ɪ nɪ
'mɪmɪ. Ia' "ikmaa' nɪɛ 'e ia' -kɔn' 'ɔn, -wɛɛ ɪ 'je
nyiɔɔɔ- desavɪn "jrii nɔ 'de 'cɔɪ -mm" 'di.

¹¹ I' 'bleɛ "jru kpɔ' i -tei ɔmɔ -nɪ "bie-gbau" klaa"
'a "soai. ɔɔ' 'nynɪ -nɪ Abadɔn 'de Suifɔ -wlu 'di,
-wɛɛ ʊba 'dɔɔ- Apolɔn 'de Glɛkɪ -wlu 'di, ɛ 'de mɛ
-nɪ dɪ 'a "ma i -sai.

¹² "Nmia -tɪ 'a "i-saa -nɛ -mɛ -si' -wɛ-. -In -gbɔn
'nɔ, ia' kpɛ 'sɔɔn -sie 'o ke'wɛɛ -ɪ -je ji.

¹³ 'Bo -mɛ 'de 'sɔ ɛ, Kea 'a "soa -nɔ, ʊba' -mɛɛɔ"-
-nɔ bla dɔ-kɛɛ 'mɛ. 'Sɔ 'ɪn 'wɔn wlu jɾɛ'. 'Sraa
-sa 'ɪn 'sani nɔa -wɛɛ -ɛ -nɪa 'o Kea "juɔi ɛ, 'de ɛɛ'
-gbɔn -nɪa -nyiiɛ o 'demɔ ɛɛ' wlu tu 'wɔɔ,

¹⁴ -wɛɛ ɛ wlu 'de Kea 'a "soai -ɔ bla dɔ-kɛɛ -nɔ
-pee, ɛ 'na : Kea 'a "soa-wi" -nyiiɛ -ʊb -mɔba i 'de

juuɔ klaa" -εε 'nyɪɪ nɪa Eflatɪ "kpei ε, -ɪn -kain
 ʊʊpɪ i.

15 'Sɔ Kea 'a "soa -nyiiε' -nɔ kain ε i. ʊʊa' Kea
 'a "soa tu ε, ʊʊ -teε kein"ke see -wεε ʊʊa fuo nɔ"
 o, 'wɪ o, 'cɔ o, -sɔn 'a 'o nɪnɪa', 'de nyiɔ -ʊʊ -seea'
 'ʊn kpe taan ʊʊ 'je ʊʊa' kpo due' 'dba.

16 "Soa-wi" -nyiiε -nɔ, ʊʊ kɔn 'e "soa-wi"
 -tuu"-tuu 'mla -wεε -ʊʊ -te soe" "kpei. "Soa-wi"
 ʊʊ kɔn a 'e 'mla -nɔ, 'ɪn 'wɔn ʊʊa' -tisɔn 'a 'nyɪɪ
 'mε, ʊʊ nɪε -kwɪɔ -te "wɪɪ 'di "wɪɪ -te -kwɪɔ 'di.

17 'Ma -gbɔn a 'e 'sɔ 'ɪn 'jeeε soe" "jriε- 'de jajri
 'di, ɪ ke nyɔ -tea 'bo ɪ "kpei ke. ʊʊa' nyɔ tu paa
 nɪεbai" 'ʊn, ka nε nɪa 'kamɔ ɪa' "bai tu 'a ku nɪ-
 ɪa' jri' kpa kpea' -jei", ɪa' jri' 'fasɔn. ʊʊa' soe" ʊʊ
 -tea "kpei ε, ɪa' "jru -kɔ' -plaa 'a "jru, -wεε nε ke
 dao' ke 'nɔ -nyɪnɪa "jrii -ε -dba nyɔ a 'wɪɔ 'de ɪ
 'wɔn.

18 Nε o, dao' o, 'nɔ -nyɪnɪa "jrii -ε 'dba nyɔ -ɪ
 -wɪɔa 'e soe" 'wɔn ε, ɪ nɪε nyɔ 'kle -tu" dɪ 'a kpe
 taan -o, ʊmɪ -dba nyiɔ -ʊʊ -seea' 'ʊn kpe taan 'a
 kpo due'.

19 Soe" -nɪ ɪa' "ikmaa' nɪε 'e ɪ 'wɔn -wεε ε nɪ 'de
 ɪa' -kɔn' 'ʊn -ke. ɪa' -kɔn' -kɔ' sɛn ɪ 'bleε "jru due
 'due, ʊmɪ ɪa nɔ -wεε ɪa nɔ nyiɔpɔ dεsɔʊn "jrii.

20 Nyɔ -sia 'o -wεε nyɔ 'kle -tu" dɪ -ɪ -wɪɔa 'e
 soe" 'wɔn -nɪ sea 'dba a, ʊʊ 'na ʊʊ se ʊʊa' dɪsɔɪn
 "i juoi -wεε ʊʊ se ʊʊa' nɔʊdɪ 'kpu "i to. ʊʊ 'na ʊʊ
 se -sion' ɔ "sɔ 'a -gbεε' -tɪ 'bɔi. Kɔin 'sani o, nɪε
 o, 'wɛi o, "sou ke tu nɔa, 'kamɔ ɪ see 'bεε ɪ 'je ɪ
 'je, ɪ 'je ɪ 'wɔn, ɪ 'je na-.

21 ʊʊa' nyɔ tu ε, ʊʊ 'na ʊʊ se ʊʊa' "ku 'dbaa' o,
 ʊʊa' nyɔ 'srε i poojrii' nɔa' o, ʊʊa' jei" 'jedesaʊn
 ke dε nyɔ sea -ʊn "nyɪ -ɪn -sεε -jei" 'a 'kpu "i to

-tɪ wɔɔ-.

10

Kea 'a "soai due" "nyɛ San 'sbɛpun- -saan"-

¹ 'Ma -gbɔn a 'e 'sɔ 'ɪn 'jɛɛ Kea 'a "soai due' -kmai" 'jriɛ- ɔɔ -wɔ 'e jaɔn 'di, -wɛɛ ɔɔ -si" i 'de 'blɔa- "kpei. ɔɔ' "soai tu paa bue" 'ɔn, "ni 'a bli' mɛ -gban' e i 'de ɔ "jru kpɔ'. ɔɔ' "jua- -kɔ' 'jru -wɛɛ ka nɛ-gblɔn 'sɔɔn nɪa, ɔɔ' bɪ nɪ kan'.

² ɔ 'bleɛ 'sbɛpun- -saan" due' kwa -wɛɛ ɛ kain ɛ "wɔɪn. ɔ nyna ɔɔ' dianbɔ i 'de 'tɔniɛ wɔn -wɛɛ ɔ nyna ɔɔ' kvanbɔ i 'de 'kpɔɔ "kpei.

³ 'Sɔ ɔ kpa wlu "jɛi -wɛɛ ɔ "wɔ ka -plaa a klua. ɔ wlu a 'sɔ -tɛn -nɪa -mɛ" 'sɔn 'plaan'.

⁴ -Tɛn -nɪa -mɛ" 'sɔn 'plan 'sɔ, 'ma jɛɛ dɪ 'crɪa' -teea' 'de-, 'kaa 'ɪn 'wɔn wlu jrɛ' -ɛ -wɔ 'de jaɔn 'di, ɛ 'na : Dɪ -tɛn -nɪa -mɛ" 'sɔn 'tmɔa ɪ sie 'e "stan, -ɪn -bɔ ɪ 'crɪɛ !

⁵ 'Sɔ Kea 'a "soai ɔɔ bu due' nyna 'e 'tɔniɛ wɔn -wɛɛ due' nyna 'e 'blɔa- "kpei -nɔ ɔ toɛ ɔɔ' diansɔn "jɛi

⁶ -wɛɛ ɔ -snɛɛ 'de Kea -nɪa 'kmɔ jɛɛjɛ 'a 'nyɪn 'ɔn. ɛmɛ -nɔ jaɔn ke dɪ "klein -nɪa 'e jaɔn 'di ke, ɛmɛ -nɔ 'blɔa- ke dɪ "klein -nɪa 'nɔ ɛ "kpei ke, ɛmɛ -nɔ 'tɔniɛ ke dɪ "klein -nɪa 'e ɛ wɔn ke, 'de ɔ 'na : 'Wɪ -tuu" a ɪ -kwɛ' 'bode,

⁷ 'kaa -sɔntɪ Kea 'a "soa-wi" 'a -mɛ" 'sɔn -nɔ ɔ mua dɔ-klee blaɔ' a, 'bomɔ Kea 'a nmaɛ dɪ -pa' 'kwla 'jɛ "jri "kpaɛ' poo-. Ka ɛ 'tmɔ ɛ 'de ɛɛ' wlu 'kwajaɔn -ɔɔa nɔɔ ɛ "juɔi -pee, 'kamɔ ɪa mu 'o nɪnɪa'.

⁸ 'Sɔ wlu -ɛ -wɔɔa 'e jaɔn 'di 'ɪn 'wɔan 'de ɛ, ɛ wluɛ 'ɔn -pee ke'wɛ, ɛ 'na : -ɪn mu, -wɛɛ Kea

'a "soai -ɔɔ bɔ due' nyna 'e 'tɔniɛ wɔn -wɛɛ due' nyna 'nɔ 'blɔa- "kpei -nɔ, -ɪn -kpɔ -pɔn" -wɛɛ -ɪn -je 'sbɛpɪn- -ɛ -kain a "wɔɪn 'de ɔ 'kwa -nɛ 'ɪn "duo-.

⁹ 'Sɔ 'ɪn 'kpɔ -pɔn" -wɛɛ 'ɪn 'na : -ɪn -nyɪ" 'ɪn 'sbɛpɪn- -saan" -nɛ. 'De ɔ wlu 'de 'ɪn -pee ɔ 'na : -ɪn -duɛ" 'ɪn, -ɪn mlɛ, ɛɛ muɛ wɔn nmɔa' 'de -ɪn 'wɔn ka dɔ 'a 'cna nɪa, 'kaa ɛɛ muɛ "kaea' 'de -ɪn 'mɪ o.

¹⁰ 'ɪn "duo- 'sbɛpɪn- -saan" -nɛ 'ɪn 'ɛ 'de Kea 'a "soai 'kwa, -wɛɛ 'ɪn pɔ ɛ 'de 'wɔn 'sɔ ɛ 'dɪ' 'de 'ɪn 'wɔn ka dɔ 'a 'cna nɪa, 'kaa -je 'ɪn mlɛ 'sɔ ɛ, 'de 'ɪn 'mɪ o -wee' nɪɛ "kɪkɪ.

¹¹ 'Sɔ sɔ wluɛ 'ɪn -pee ka sɔ 'na : Wlu Kea -sa 'kwla 'de -ɪn -pee ɛ, -ɪn -je ɪ 'tmɔa' mu -o ke'wɛɛ 'de 'blɔa- -tuu"-tuu o, 'beɔdɛ -tuu"-tuu o, nyɔ -sɔa poa wlu 'a kpɛ -tuu"-tuu o, 'beɔ -tuu"-tuu -pee.

11

-Tɪ 'a -ta 'jɛɪn 'sɔɔn

¹ 'Bo -mɛ 'de ɛ, nyɔ jɔɔ' "nyɪɛ 'ɪn -gblokpau due', ɛ -kɔ' itbatu -wɛɛ ɔ 'na : -ɪn -sɔn 'ɪn, -ɪn -dbaa Kea -gbu klaa" ke 'sraa -sa 'ɪn ke, -ɪn -sɔrɔ' nyɔ -a -gbɛɛa' 'de Kea -gbu 'di ke.

² 'Kaa Kea -gbu klaa" 'a "kpaɛjɪɛ -mɛ ɛ, -ɪn sie 'o -mɛ -ɪn -bɔ ɛ dbaa, dɛ-nɔɛ' ɛ 'bɔɔ ɛ nyɔ -sɔ sea Kea 'a -tɪ' tɔ' 'ɪn 'je kwa -wɛɛ sɔ 'je -kwɔɔ -ɛ -teea kpɔɪ" "kpei- na- 'de 'cɔɪ 'a kwla -nyɪɛ 'jɔ 'sɔɔn 'di.

³ 'Sɔ ɔ wlu', ɔ 'na : 'Ma muɛ 'ma -tɪ' 'a -ta 'jɛɪn 'sɔɔn dɔa' sɔ 'je blɔ 'ɪnpaa- -wɛɛ 'ɪn 'je sɔpɔ 'ikmaa' "nyɪ 'de sɔ 'je Kea 'a wlu 'tmɔ 'de nyɔ -pee 'de 'wɪ 'a "wlu due' kmɛ' 'sɔɔn kwla -mɛɛɔ"- -nɪ 'di.

4 Uba' -ti 'a -ta 'jevn 'sɔɔn tu ε, uba' "ipoodɪ -nɪ olifieti 'sɔɔn ke -dam'ba 'a "kpei -tedɪ 'sɔɔn -ɪ -nɪa 'o 'blba- -wee' "klein 'a Tɔ"bo "juɔɪ ε.

5 -Bo nyɔ jɾɔ' nɪε "i ɔ 'je ɔɔpɔ dɛsavn "jrii nɔ ε, -mɛ nɛ ε muɛ 'de ɔɔpɔ 'wɔn 'wɪba' -wɛε ε 'je uba' tɔnyɔ siin-. Kɪn, nyɔ "o nyɔ -nɪε "i -ɔ -jea ɔɔpɔ dɛsavn "jrii nɔ ε, 'kamɔ ɔɔ' 'mɛsɔn a mu nɪa'.

6 Uba' "ikmaa' 'bɛɛ- ε 'je jaɔn "wɔin kan i -wɛε nɔ" -ε 'di ɔɔ nɪa Kea 'a -ti' 'tmɔa' a, "ni se dbai. "Ikmaa' ɔɔ 'blea a, ε 'bɛɛ- ε 'je "ni fai" poo- -wɛε ε 'je nymɔ 'ɔn -snɛɛ. ɔɔ 'bɛɛ- ɔɔ 'je nyɔ 'kle 'a kpe -wee' -tu" 'nɔ 'kmɔ "kpei ka ɔɔmɔ nɪa "i ε.

7 -Bo ɔɔ -kɔ' Kea 'a -ti' 'tmɔa' 'sɔ ε, nmi -kwɪi klaa' jɾɛ' ε muɛ 'e "bie-ɟbau" klaa" -nɛ 'di 'wɪba' -wɛε ε 'je ɔɔpɔ tɔ o -fɔn 'de ε 'je tɔ 'a "jɾu kpa 'bo ɔɔpɔ "kpei, -wɛε ε 'je ɔɔpɔ 'dba.

8 Nyɔ 'sɔɔn -nɔ ε, uba' "ku a muɛ i 'pɛɛan' 'bo -jei' 'bo -kwɔ klaa' 'di. 'Bo ɛɛ' -kwɔ tu 'di mɔ nyɔ kɔɔ uba' Tɔ"bo 'bo tu -kwɪi' tɛin". -Bo nyɔ a sea ɛɛ' -kwɔ tu 'a 'nynɪ "si ε, nyɔ a 'dɛɛ Sodɔm ke Esipɔ ke. Ia' 'nynɪ tu mɪ nyɔ bla 'o ɛɛ' -kwɔ tu "kpei.

9 Nyɔ -wɪba 'blba 'a blo'wɔn -wee' 'dii o, -kwɪn -wee' 'dii o, nyɔ -a poa wɪu 'a "kwɪi -wee' o, nyɔ -wɪba 'beɔɔɪ -wee' 'dii 'je uba' "ku 'jea' ji 'de 'wɪ taan 'e tɔɔ 'di, ɔɔ se uba' i nmae -ti 'wɔɔn i.

10 Uba' 'mɛa' a muɛ 'kmɔ "kpeinyɔ a 'mɔa- 'blea', uba muɛ bla' ɔɔ 'je dee-, -wɛε ɔɔ 'je ba -paan' "jrii nɔ due 'due, dɛ-nɔɛ' Kea 'a wɪu 'kwa jaavn 'sɔɔn -nɔ cri nyɔ 'mɛ kpleiin.

11 'Wɪ taan 'e tɔɔ -sia' 'sɔ Kea poɛ ɔɔpɔ 'kmɔnɪfɛɛɛ' 'ɔn 'sɔ ɔɔ sɔn 'ɔn 'ɛ. Nyɔ "klein -ɔɔ -jea ɔɔpɔ "jɾiɛ- ε, faɔn klaa" a nɔ ɔɔpɔ 'mɛ.

12 'Sɔ nyɔ 'sɔɔn -nɔ, ʊʊ 'wɔn wlu jɾɛ' -ɛ -kmai" -ɛ -wlu 'e jaʊn 'di -wɛɛ -ɛ -wlu 'de ʊʊ -pee, ɛ 'na : Ao 'ja -ta ! 'Sɔ ʊʊ -teɛ 'e jaʊn 'di mua' -pɔn" 'bo bue" "kpei 'bo ʊʊa' tɔnyɔ "juɔi.

13 'De ɛɛ' nɔ" tu 'di 'sɔ 'blɔa- -teɛ ɾɛa' -pɔn". ɛɛ' 'blɔa 'a ɾɛa' kmai", ɛ nʊɛ' 'sɔ -kwɔ -ɛ -seea' 'ʊn kɾɛ -puue ɛ, ɛɛ' -puue -nɛ je i waa- -wɛɛ nyɔ 'a "wlu -mɛ" 'sɔn 'mɛ 'bo 'blɔa- -ɛ ɾɛa -nɛ 'ɛ wɔin". 'Sɔ faʊn 'kpa 'e nyɔ -sia 'o mu 'ʊn 'ɛ -wɛɛ ʊʊ -te jaʊn 'di Kea 'a ni' -tea' -pɔn".

14 'Nmia- -tɪ 'a kɾɛ 'sɔɔn -nɛ -mɛ -si' -wɛ-. -In -gbɔn 'nɔ, ɪa' kɾɛ taan -nɛ se 'ʊn -kwlei, ɛ 'je ji.

Dɔ-klee 'ɛ kɾɛ -mɛ" 'sɔn -nɛ

15 'Bo -mɛ 'de ɛ, Kea 'a "soa -nɔ ʊʊa' -mɛ" 'sɔn -nɔ bla -tienkɔʊn 'sɔ ɛ, 'ʊn 'wɔn wlu -tuu"-tuu 'de jaʊn 'di. ɪa' wlu tu kmai", ɪ 'na : 'Beɔde -wee' -nɪa 'e 'kmɔ "kpei ɛ, ɛ 'kpa -aa Tɔ"bo Kea ke ɛɛ' 'o -tei Klisi 'a dɛ -wɛ- la. Kea a muɛ 'nyɪ 'wɔa' jeejee 'de -sɔn 'o -sɔn 'di.

16 'Sɔ nyɔ-cɔʊn' 'a kwla 'sɔɔn 'jɔ -nyiiɛ -ʊʊ -tea i 'bo ʊʊa' 'beɔkpa-te "kpei -nɔ, ʊʊ "siie "jua- i 'bo 'blɔɔ -wɛɛ ʊʊa -gbɛɛ' Kea "juɔi.

17 'De ʊʊ 'na : Tɔ"bo Kea, ɛmɛ -kmai" -ɛ -sia dɪ -wee' -wɛɛ -ɛ -nɪa 'kmɔ tein" ɛ, 'de -ɛ -nɪa 'kmɔ 'de -sɪanwɪ 'di, -aa pɔɛ ɛ 'sɛ-, dɛ-nʊɛ' ɛɛ' "ikmaa' -ɛ -bea "i, mɛ ɛ "duo 'ʊn -wɛɛ ɛ -te 'nyɪ 'wɔa' -pɔn".

18 -blɔa 'dinyɔ -ʊʊ sea Kea juo ɛ, ʊʊ 'kɾɛɛ 'cɛn i, 'kaa nɔ" -ɛ 'di ɛɛ' 'cɛn ɛ mua "jɾi "kpaɛ' pɔa' 'de ʊʊ -pee, -wɛɛ ɛ -jea 'mɛʊn 'a 'pee 'jee- ɛ, 'bomɔ ɛ 'je ɛɛ' wlu 'kwajaaʊn o, nyɔ -ʊʊa -tea' ɛɛ' 'nyɪ 'a ni' o, nyɔ "klein -ʊʊ -nʊʊa ɛ "juɔi ɛ, ɛ 'je ʊʊa' mu"

ke klæe" -kei" -sa, -wæe ε 'je nyu -υυ -dooa 'blba-wi" -mυ i -sa.

¹⁹ 'Ma -gbun a 'e 'su Kea -gbu klæa" -nua 'e jaun 'di kain ε 'wain -wæe 'un 'jee dbæde ε -gbau" 'jriε -de ε 'di. 'Su "ni a crε "jrii, -ten ε "płaan", 'blba- a crε' -wæe "ni-kun -tuu"-tuu a 'wla.

12

'Nynokpao' due' ke -sre" ke

¹ 'Ma -gbun a 'e 'su nyu tai" "maa' de klæa" jrε' -nυε 'bo jaun-kwlu : 'Nynokpao' jrυ' mυ -tan' 'o 'jrυ 'a -tūn 'un ka nyu o paa de 'un ε, -wæe 'cu ni 'e bu -son. Tu"bofan υ -tua" "jrυ ε, 'cu-sun 'a -puue 'jo 'soon -nυε'.

² U 'bleε "kwli, -jε -gbaandi 'kpu 'un 'su υ -teε "waa' -pun".

³ 'Su nyu tai" "maa' de jrε' nυε' 'bo jaun-kwlu : 'un 'jeeε -sre" -saan "jriε-. ε 'bleε "jrυ -mε" 'soon -wæe ε 'ble -gbun -puue, 'de εε' "jrυ -ni -tu" tu"bofan "jrυ due 'due.

⁴ 'Cu -sun -i -seea' 'un kpeε taan a, umi -ia kpo due' ε nu εε' -kun' -wæe εε 'wla 'no 'blba- "kpei. ε -tan' 'su ε, ε nyna i 'bo 'nynokpao' -ba jia -gbaan -di -nu "kpei -wæe -bo va' "ju 'wlu 'de ε 'je o mla.

⁵ U -gbaan' 'su ε, υ 'wluε "junmou, omu -je nuεkpa 'ble -wæe -o -je 'blba 'a blo' won -wee' "klein i fuo-. 'Kaa va' "ju -no 'wluε, 'bo ε "sri o mu 'o Kea 'a 'beokpa-te -pun" 'de jaun 'di, ka nyu o "fla nyu ε 'kamε ε ni-.

⁶ 'Su 'nynokpao' -nu 'kpa 'kwla, υ muε 'e -puon" blba "kpei, 'demu Kea nmae va' -teun -wæe ε "nyu υ diide 'de υ 'je i -te 'de 'wlu 'a "wlu due' kmε' 'soon kwla -mæεo"- 'di.

7 'Bo -mɛ 'de 'sʊ tʊ -fɔn' -cruɛn" kɔn' 'de jaʊn 'di. Misɛɫɪ -nɪa Kea 'a "soa-wi" 'a klaa" ɔ ke ɔɔ' -nɪ "soa -te -sre" ke ɛɛ' "soa ɔ -fɔan' -pʊn", -wɛɛ -sre" ke ɛɛ' -nɪ "soa-wi" -te Misɛɫɪ ke ɔɔ' "soa ɔ -fɔan' -pʊn" -ke.

8 'Kaa tʊ du -sre" ke ɛɛ' "soa-wi" 'mɛ, ʊʊ se -teɪn 'ble 'bode 'de jaʊn 'di.

9 ɛmɛ -nʊɛ' -wɛɛ -sre" klaa" -nɛ 'wɫɔ 'e jaʊn 'di, ɛ -fi" 'ɛ -sɔn. -Sre" -nɛ, ɛɛ' 'nɪnɪ -nɪ Satan. ɛmɛ -nɪ -sɪɔn', -siisaɪn 'a klaa", ɛmɛ -nɪ sɛn soa soa -ɛ -pooa 'kmʊ -wee' "klein 'sre i ɛ, ɛ -fi" ɛ -sɔn, ɛ ke ɛɛ' "soa-wi" "klein -fi" 'ɛ -sɔn 'nɔ 'blʊa- "kpei.

10 'Sʊ 'ɪn 'wɔn "ikmawlu jrɛ' 'e jaʊn 'di -wɛɛ -ɛ -naa' :

Kaan ka la, 'pʊʊa' -nɪa 'e Kea 'kwa ɔ, ɛɛ' 'beɔde ɔ, ɛɛ' Klisi -ɛ -tea 'o ɔɔ' 'nɪnɪ 'wɫʊa' pɔ "jri "kpaɛ' -wɛ-, de-nʊɛ' -aa de'di -wi" 'a -tɪ "kpeiblai pɔɔɛ -sɔn 'bode. ɔmɔ ɔɔ bla ʊʊpʊ -tɪ' "kpei 'de "maʊwɪ ɔ, 'jrʊ -gbaʊwɪ 'di 'de ɛ, ɔ 'wɫɔ 'nɔ jaʊn 'di 'mɛ, ɔ -fi" ɛ -sɔn.

11 Kea 'a 'sraa -sablaaju 'a nmɔ -ɛ -wla i ɔ, ɔɔ' wɫʊ 'a tɔ' nɪ -tɪ -aa de 'di-wi" 'tmʊa 'de nyʊ -pee ɔ, ɪ mɪ -nʊɛ' -wɛɛ ʊʊ kpa tʊ 'a "jrʊ, ʊʊ se 'mɛa' pleemamaʊ 'sʊ ʊʊ se ʊʊa' 'kmʊ "kpei- 'tʊan-.

12 ɛmɛ -tɪ ka jaʊn 'a kpe -tia ɪ 'je 'mʊa- nʊ ɛ ke nyʊ "klein -nɪa 'e jaʊn 'di ke ! 'Kaa ɛ nɪɛ "nmia-tɪ -o 'de 'blʊa- ke 'tɔnɪɛ 'a -tɪ' 'ʊn, de-nʊɛ' -sɪɔn' "sɪɛ i 'de ɪ "kpei ! ɔ 'bleɛɛ 'cɛn 'mlai", ɔ 'je kan' 'mɛ nɔ" -ɛ -sia' 'bo ɔ "juɔi, ɛ se "i tɛn-.

13 Ka -sre" -fii" a 'nɔ 'blʊa- "kpei ɛ 'jea kan' 'sʊ ɛ, 'nɪnɔkpao' -ʊ -wɫʊa "junmɔujʊ -nʊ, ɛ -tee ʊa' i nʊa' -pʊn".

14 'Sɔ ʊɔ "nyɪɛ 'nynɔkpao' -nɔ -ciɪ" klaa" 'a kproa" wli 'sɔɔn -wɛɛ ʊ 'je sɛn -nɛ wɔɪn" 'pɔ 'de ʊ 'je "wan ʊ 'je 'e ʊa' -tɛɪn mu 'de -pɪɔɔn" blɔa "kpei. 'Bomɔ ʊ -tɛ i 'de ʊa 'jee- dɛ ʊa di 'de -sɪn taan 'cɔɪ -mɛɛɔ"- 'di.

15 'Sɔ juuɔ-gbuu 'wɪɔɛ 'e sɛn -nɛ 'wɔn -wɛɛ ɛ -si' 'o 'nynɔkpao' -nɔ 'de, -wɛɛ ɛ 'je ʊ kpa.

16 'Kaa 'blɔa- kain ɛ wɔn -wɛɛ ɛ mla juuɔ -gbuu -wɪɔa 'e -sre" 'wɔn -nɛ, 'kamɔ ɛ nɔ -wɛɛ ɛ pɔ 'nynɔkpao' -nɔ sɔn o.

17 'Sɔ -sre" 'kpa 'cɛn 'de 'nynɔkpao' -nɔ "kpei -wɛɛ ɛ mu ʊɔa" 'nyɪɔ- jɔ -sia 'o tɔ o -fɔan'. Nyɔ "kleɪn -ʊɔa -jea Kea 'a kɛ' wɔn -wɛɛ ka Sesi 'a wɪɔ nɪa tɔ' -ʊɔa -tmɔ ɪ 'de nyɔ -pee ɛ, ʊɔpɔ ɛ -fɔn' tɔ o -ke.

Nmi-kwli 'sɔɔn 'ɔ -tɪ'

18 'Sɔ -sre" nyna i 'bo -pɪɔɔn" "kpei 'bo 'tɔnɪɛ wɔɪn".

13

1 'Bo -mɛ 'de ɛ, 'ɪn 'jeeɛ nmi-kwli jrɛ' "jrɪɛ- ɛ -wɪɔ 'e 'tɔnɪɛ wɔn. ɛ 'bleɛ -gbɪn -puue -wɛɛ ɛɛ' "jrɪ nɪ -mɛ" 'sɔn. ɛɛ' -gbɪn -nɪa -puue -nɪ, ɪ -wee' 'bleɛ tɔ"bofan due 'due -wɛɛ Kea 'a wɔn o to nynu 'cruɛ 'bo ɛɛ' "jrɪ -nɪ "kpei due 'due.

2 Nmi-kwli 'ɪn 'jeea "jrɪɛ- -nɛ, ɛ -kɔ' -ci', ɛ 'bleɛ nmi klaa" jrɛ'ɛ bɪ. ɛɛ' nmi tu 'a bɪ ke -plaa 'a bɪ -kooɔ', -wɛɛ ɛ 'ble -plaa 'a wɔn. ɛɛ' nmi-kwli tu ɛ, -sre" "nyɪ ɛ 'kɪɪ -wɛɛ ɛ "nyɪ ɛ ɛɛ' 'beɔkpa-tɛ ke ɛɛ' "ikmaa' klaa" -wee'.

3 'Ma -gbɪn a 'e mu 'sɔ ka nyɔ ɔ nɔa -cɪɛ -wɛɛ ɔ cɛan dɛ -pɪɔɔn' ɔ, 'de ɛɛ 'mɛa, 'kamɔ ɛɛ' "jrɪ due' nɪ-. 'Kaa 'bo ɛ "sri ɛɛ' -kɔ -nɛ je 'bo. 'Sɔ 'blɔa

'dinyo -wee' a 'jraa- nmi-kwli -ne 'me, -wee uo bla 'o e 'de.

⁴ 'De uua -gbεε' -sre" "juoi, de-nue' emε -nyu" nmi-kwli -ne "ikmaa'. Uua -gbεε' nmi-kwli -ne 'me -ke -wee uua wlu ka, uo 'na : Nyoo -jo -ke nmi-kwli -je -me 'bεε- 'un ε- ? Nyoo -jo -bεε' -o -ke ε 'je tu -fon' ε- ?

⁵ -Sre" -tuu" ε nmi-kwli wlu won -wee ε 'je -cei" 'bεεwlu klae" klae" 'tmu 'de ε 'je Kea wlu saun -pee 'tmu. Ε "taie εε' nmi tu "i -wee ε 'je di -nia 'mua- nu 'de 'cu 'a kwla -nyiiε' 'jo 'soon 'di (42).

⁶ 'Su ε -tee Kea 'a 'nyu o, εε' -tein o, nyu "klein -nia 'e jaun 'di 'a 'nyu dooa' -pon".

⁷ -Sre" cen 'o wlu 'me -wee nmi-kwli 'je Kea 'a -jei" naavn tu o -fon' 'de ε 'je tu 'a "jru kpa 'bo uupu "kpei. Ε cen 'o wlu 'me -ke -wee nmi-kwli 'je nyu 'a kpe -wee' o, 'blua 'a blo' won -wee' o, nyu -a -poa' wlu 'a kpe -wee' ke 'beodi -wee' "klein 'a nyu 'ble.

⁸ Nyu "klein -nia 'e 'blua- "kpei ε, uua mu ε "juoi -gbεεa'. Uua' nyu tu ε, uua' 'nyu se 'cruε tein" sese 'de Kea 'a 'blaaju -ε -saa 'sraa- 'un 'a 'kmunisbe 'di.

⁹ Nyoo -nia doun" "jru ε, -me o 'won i !

¹⁰ Nyoo -jea -kaso 'di mu see ε, oo muε -kaso 'di mua'. Nyoo nyu 'jea -cne "i 'dbaa see ε, oo muε -cne i" 'mea'. De -je -kon a -ti' -wee -ε -jea 'e Kea 'a -jei" naavn 'un -ni 'de εε' no" tu 'di ε, emε -ni ppe "wain 'bεεa' ke Kea -kwli" -tea' ke.

¹¹ 'Su nmi-kwli jre' -wlu 'e -klu' 'un 'jee- "jrie-, ε 'bleε -gbun 'soon, ka 'blaa-gblo 'o -gbun nia 'kamoo tu, -wee εε wlu ka "kuude ε wlua.

12 Nmi-kwli -jε -nɪa tɛɪn" -wεε -ε -pooa 'mε ka 'de-, 'de -εε -kɔ "sria 'o ε 'bɔa -nε, εmε -nyɪ" nmi-kwli -jε -bɔɔa' de "ikmaa' -wee' -wεε ε 'je εε' -kwɪɔtɪ nɪ 'bo ε "juɔi. -jε -bɔɔa' de -nε, ε nɪε' -wεε 'blɒa- o, nyɒ "klein -nɪa 'e 'blɒa- "kpei a -gbεε' nmi-kwli -jε -saa "i "juɔi.

13 Εε nɪε dɪ klæe" klæe" 'bo -mε 'de -ke. Εε nɪε' mamav 'sɪ nε ε jea 'e jaɒn 'di 'wɪɒ εε jea blu 'nɔ 'blɒa- "kpei 'bo nyɒ -wee' "juɔi.

14 Dɪ klæe" klæe" -ɪ nɒa -nɪ, ɪmɪ -ɪ 'ɒn ε poo 'blɒa 'dɪnyɒ 'srε i, dε-nɪε' nmi-kwli -jε -nɪa tɛɪn" -nε, εmε -nyɪ" ε "ikmaa' -wεε εε nɪ ɪa' dɪ tu. Ε wɪu' 'de 'blɒa 'dɪnyɒ -pee, ε 'na : Nmi-kwli -εε "jru due' pooa 'mε ka tɛɪn" 'de -ε jɪa 'kmɒ de ε, ao -pa εε' -koɔɔε.

15 Ε 'bεε- ε 'je ε nɪ 'sɪ nmi-kwli 'a koɔɔ' dε -nε 'je wɪu -wεε nyɒ "klein -ɒɒ -na -ɒɒ se ε "juɔi -gbεε' ɪ ε, ε 'je ɒɒɒ 'dba.

16 Nmi-kwli -jε -bɔɔa' de -nε, ε nɪε' -wεε ε -te mɪ" o, klæe" o, "wliɛjeɒn o, nɪa" nyɒ o, nyɒ -tea ɒɒa' -ce" -pee o, kɒɒnɒ- -wi" -klan" "kpei, 'de ɒɒa -tu" ε juɔ'ɪn. Εε' juɔ'ɪn tu ε, -bo ε se 'o ɒɒa' dɪansɒn "kpei nɪ ε, -mε ε nɪε 'o ɒɒ "jua 'a "pε "kpei.

17 Nyɔ εε' juo 'ɪn tu sea -pɒn" nɪ ε, -mε ɔ se ε 'bεε- ɔ 'je dε -tɪn' 'de ɔ 'je dε ple. -Bo εε' juo 'ɪn tu se nmi-kwli 'a 'nyɪnɪ nɪ ε, -mε εε' 'nyɪnɪ 'a -kɔ o "siide.

18 Ao -gbɒn 'nɔ, tɔ' 'dɪnɪa' mε -kɔn -tɪ'. Nyɔ ɔ -nɪa tɔ'di ε, -mε ɔ 'wɔn 'de nmi-kwli 'a 'nyɪnɪ 'a -kɔ o "sɪi dε 'dei, dε-nɪε' ε nɪε nyɪɔ 'ɔ -kɔ o "siide -o, ε 'de mε -nɪ kmε' -mεεo"- kwɪa -mεεo"- 'jɔ -mεεo"-.

14

Kea 'a 'blaaju ke εε' nyu ke

¹ 'Ma -gbun a 'e 'su ε, 'in 'jeeε 'blaaju "jrie- 'bo cru nyu a 'daa- Siion "jru. Ε ke nyu 'a -kwlu 'a -puue 'jo -nyiiε "wlu -nyiiε (144 000). Uba' nyu tu mu o' 'nyu ke o "Bo 'a 'nyu 'cruε 'bo "juoi.

² 'In 'won -cruen" jre' -ε -wlu 'e jaun 'di -wee -εε klu ka "ni-gbuu klaa" a klua, ka -ten ε "plan a, 'kamε εε' -cruen" tu ni -ke. Εε' -cruen" tu nmoo 'e nyu doin" i ka nyu -tuu"-tuu a bla -siplu -wee uua blea, 'kamε ε ni-.

³ Uua bleε 'du dee 'bo 'beokpa-te ke 'kmunudu -nyiiε' ke nyu-coun' -nu "juoi. 'Du uua blea nyu jro' se ε 'beε- o 'je ε 'cian -bo ε se nyu 'a -kwlu 'a -puue 'jo -nyiiε "wlu -nyiiε -nu ni ε, uupu Kea 'a 'blaaju seie 'de 'blua 'dinyu "klu.

⁴ Ε ni uupu -uu se uua' -Suu -flen" kpuun- 'de 'nyu -san nua' 'un. Uu niε 'pepe -wee uu -te Kea 'a 'blaaju 'a 'nyu 'un. -Ta "o -ta o mua uupu -ke o mu. Ka nyu o ja diide 'ε "i-saajo -wee o -saa Kea ke 'blaaju won ε, 'kamε uu seie 'de nyu "klu.

⁵ Si -ti se 'de uu 'won jii due', uu se -ko -pun" ni-.

Kea 'a "soa-wi" taan

⁶ 'Ma -gbuan 'emu 'su 'in 'jeeε Kea 'a "soai jro' "jrie-, o "waan' 'de jaun 'a 'keeki". -Pcia- -ti -ti sea ison-ta 'ble ε, umu o 'tmu 'de 'blua 'dinyu -pee, -wee 'beode 'ε kpe -wee' "klein o, nyu 'a kpe -wee' o, wlu 'a kpe -wee' nyu a poa o, 'blua 'a blo'won -wee' "klein 'ji 'won.

⁷ 'De Kea 'a "soai -no kpa wlu "jei kpleiin, o 'na : Ao plee Kea, ao -te' εε' ni', de-nue' εε' nyu 'a

'pee 'je nɔ" nyini' -wε-. Ao -gbεε ε "juɔi ! εμε -nu' jaɔn, -ε -nu' 'blva-, -ε -nu' 'tonie -wεε -ε -nu' "ni 'a "jru -wee' !

8 'Su Kea 'a "soai jrɔ' wan' ke'wle 'bo "i-saa' -nɔ 'de -wεε -mɔ ɔ wlu ka, ɔ 'na : ε blu' -wε-, ε blu' -wε-, Babilɔnı-kwlo klaa" blu' -wε- ! εμε -ε tba 'blva- -wee' "klein 'a nyɔ nmɔ wɔn. εε' nmɔ tu me -ni 'nynısan- nu deɓaɔn ke kao'blea' -ı -sia 'jei' 'bo εε' -kwlo tu 'di ε.

9 'Su Kea 'a "soai jrɔ' wan' 'bo "soa-wi" 'sɔɔn -nu 'de. -Mɔ kpa wlu 'jei -wεε ɔ wlu ka ɔ 'na : Nyɔ -ɔɔ mua nmi-kwli ɔ, εε' -koɔɔde "juɔi -gbεεa', 'de ɔ 'jea ɔɔ' -cei' "tai- -wεε -bo nyɔ se ɔɔ' "jua- juo'ın -tu" 'de ɔɔ' sɔn nyɔ 'jea juo'ın -tu" ε,

10 -me ɔɔ muε Kea 'a 'cɛn nmɔ 'naa'. εε' 'cɛn tu ε, ka kmaanmɔ -ε -ke de jrε' sea "jrıi bee- nıa, 'kamɔ ε nı-. Nyɔ -ɔɔ mu ε 'naa', ɔɔ muε ɔɔ' -ce" wɔn 'jeea' 'de ne ke 'nu -nynıia "jrıi -ε 'dba nyɔ 'ɔn 'bo Kea 'a "soa -kwεai ke 'blaaju "juɔi.

11 Ne -ε 'ɔn ɔɔa 'jeea 'kle ε, εε' dao' a muε "bua' jeejee. 'De "maɔ'wı ɔ, 'jrɔ-gbaowı 'di ε, nyɔ -ɔɔa -gbεεa' nmi-kwli ke εε' -koɔɔde "juɔi -wεε -ɔɔ "taia ɔɔa' -cei' 'de nyɔ -tua" nmi-kwli 'a juo'ın ε, ɔɔ se pεe 'a blua' 'ble due', ɔɔ -wee' nynaaj.

12 'De ao -gbɔn 'nɔ, Kea 'a -jei" naaɔn -ɔɔa -jea εε' ke' wɔn 'de -ɔɔ -tea' Sesi -kwlı" ε, de -kɔan -tı' -wεε -ε -jea 'de ɔɔɔɔ 'ɔn nı 'de εε' nɔ" tu 'di ε, εμε -nı pεe "wɔin 'bεεa' ke -maa' poo wlu fai" ke.

13 'Su 'ın 'wɔn wlu due' -ε -wlı 'e jaɔn 'di -wεε -ε -na : Wlu 'ma jia 'tmɔa', -ın -crı ε, ε ka : Nyɔ -ɔɔ -ke Tu"bo "siaa "i -wεε -ɔɔ -mea a, -wi" -mɔ 'di nmɔ wɔn. Kın, tɔ' -o, εμε Kea 'a -Suu 'tmɔ, de

-tba' 'e -stɪnwɪ 'di ɛ, dɒ ʊʊ nʊa -kwɛ', ʊʊ -kwle' 'bode -wɛɛ ʊʊa -sa 'e 'kpu, dɛ-nʊɛ' ʊʊa muɛ ʊʊa' dɒ 'a -kei' 'jea'.

Dɪjɔ -flua" 'a cɛn nɔ"

¹⁴ 'Ma -gbʊan 'emu 'sʊ 'ɪn 'jeeɛ bue" plu "jriɛ-. "Ju -tea i 'bo ɛ "kpei ɛ, ka nyɔɔ 'ɔ "ju nɪa, 'kamɔ ɔ nɪ-. Tʊ "bofan ɔ -tua" "jru ɛ, 'sani -nʊɛ', -wɛɛ ɔ 'ble bloa" kwa.

¹⁵ 'Sʊ 'ɪn 'jeeɛ Kea 'a "soai jɔɔ" 'jriɛ- -mɔ ɔ 'wɒɛ 'e Kea -gbu klaa" 'di -wɛɛ ɔ kpa wlu "jei 'de ɔ wlu "ju -tea i 'bo bue" "kpei -pee, ɔ 'na : -ɪn nʊ -ma -cnɛ -wɛɛ -ɪn -je nyʊ -nɪa 'e 'blʊa- "kpei i-sa ka nyɔɔ ɔ cɛan ko ɛ, dɛ-nʊɛ' dɪjɔ -nɪa 'e 'blʊa- "kpei ɛ, ɪ -wee' -fluu" -wɛ-, ɪa' cɛn nɔ" nyɪnɪ'.

¹⁶ 'Sʊ "ju -tea i 'bo bue" "kpei jaa ɔɔ 'blʊa -nɛ 'e 'blʊa- "kpei-, 'sʊ dɪ -flu" 'a 'e 'blʊa- "kpei ɪ -wee' cɪɛnɪ'.

¹⁷ 'Ma -gbʊan 'emu 'sʊ Kea 'a "soai jɔɔ" 'wɒɛ 'e Kea -gbu klaa" 'di -wɛɛ -mɔ 'ble bloa" kwa -ke.

¹⁸ 'Sʊ 'ɪn 'jeeɛ Kea 'a "soai jɔɔ" 'jriɛ- ke'wɛɛ. Nɛ -nɪa 'o 'sraa -sain' ɔmɔ -ble -mɛ 'ɛ dɒ, ɔmɔ -ji" -wɛɛ ɔ kpa wlu "jei kpleiin 'de ɔ -wlu Kea 'a "soai ɔ -blea bloa" -nɔ -pee ɔ 'na : -ɪn pɔ -ma "nma -cnɛ -wɛɛ -ɪn -je rɛsɛn'jɔ -nɪa 'e 'blʊa- "kpei -sa, dɛ-nʊɛ' ɪa' rɛsɛn jɔ -wee' -fluu".

¹⁹ 'Sʊ Kea 'a "soai -nɔ jaa ɔɔ' bloa" 'de 'blʊa- "kpei- -wɛɛ ɔ -sa rɛsɛn' -ti -nɪa 'e 'blʊa- "kpei 'a 'jɔ -wee', -wɛɛ -ta -bo nyʊ du dɛ 'de nyʊ a "nmu ɪ 'ʊn ɛ, 'bomɔ ɔ pɔ ɪ. 'Bo 'a -ta -tu nɪɛ Kea 'a 'cɛn klaa" 'a "ipoodɛ -o.

²⁰ 'De -ta ʊʊa duua rɛsɛn jɔ -wɛɛ ʊʊa "nmu ɪ 'ʊn ɛ, 'bo -tan' -kwɔɔ -pʊn". Nmɔ mɛ -ɛɛ -wɒ ʊʊ 'a -ta -tu -wɛɛ -ɛɛ -si' i -gbo' -gbo'. ɛɛ' nmɔ -gbuu

-tu ε, εε' i-tensun nιε 'cilo 'a kmε' taan -wεε εε'
-son tensun a kpυun 'bo nyu 'wlan -son.

15

Kea 'a "soa-wi" ke nyu 'kle -tu" dι ke

¹ 'Bo -mε 'de ε, 'ιn 'jeeε dε klaa" jre' "jrie- 'de jaun 'di. εε' dε tu "bei, ε nιε 'jraa ka-. εmε -nι 'ιn 'jeeε Kea 'a "soa -mε" 'son "jrie-. Uυ 'bleε nyu 'kle -tu" dι -mε" 'son kwa. ιa' de 'boκ -nι, -bo ι 'wlv 'o -jei" ε, -mε jre' se 'o tbai 'bode, dε-nυε' 'de ι 'υn mο Kea 'a 'cen -craa "jru.

² 'Su 'ιn 'jeeε dε jre' "jrie-, εε' dε tu -kο' "nifla' klaa" ε ke nε -bee "jrii -wεε ε nι "jri i 'srusrι ka "kleε- nιa. 'De 'ιn 'jee- nyu jru' "jrie- -ke, nyu -υυ kpa tv 'a "jru 'bo nmi-kwli ke εε' -koοoδε ke εε' 'nynι 'a -kο o "siide "kpei. Uυ nyna i 'bo "nifla' klaa" -nε wον -wεε -siplb Kea "nyta υυpu ε, υυ 'blι kwa.

³ Ka Kea 'a dbonvi Moισι 'bεεa Kea 'a 'nynι "i tein" Israε-koun 'a kuonkwla' 'wlv nο" ε, 'kamο nyu Kea 'a 'blaaju -seia 'bεε- εε' 'nynι "i 'de blewlu 'di -ke. εε' 'dυ tu 'naa :

Tυ"bo Kea, "ikmaa' -ε -sia dι -wee' "klein ε, εmε -nι 'e ε -kwa. εε' nυυdι kmai", ι se "jrie- i-sa ka nι ! 'Beoδε -wee' "klein 'a jei-, dι -ιa -jeblv ε poa ι -srει" -wεε ι nι tο'.

⁴ Tυ"bo, nyu -jο se εε' nι' -tei' ε- ? 'De nyu -jο se εε' 'nynι "i 'bεει ε- ? εε' 'sv -nι Kea. 'Beoδε -wee' "klein 'a nyu a mυε jia' -wεε υυ 'je ε "juoι -gbεε'-, dε-nυε' εε' "isredι ε nυa ι poε "jri "kpaε' 'pepe υυ -wee' jι 'je.

⁵ 'Bo -mε 'de 'sv, 'ιn 'jeeε Kea -gbu klaa" -nιa 'e jaun 'di "jrie- -wεε ε kain "woin. 'De -ta Kea 'a ke'

-gbau' nɪa -wɛɛ -ɛ -kwɛai -ɛ -sia -ta -wee' ɛ, 'ɪn 'jee- 'o -mɔ "jriɛ- -ke.

⁶ 'Sɔ Kea 'a "soa -mɛ" 'sɔn -ɔɔ -blea nyɔ 'kle -tu" dɪ -mɛ" 'sɔn kwa -nɔ, ɔɔ 'wɪɔɛ 'e Kea -gbu klaa" 'dɪ -wɛɛ ɔɔ "si "kpaɛ'. Ʈɔa' 'ɔnpaadɪ "pluu' -wɛɛ ɪa fan, 'de ɔɔ blaɔ 'saniwɪɔ 'de -kwɪɔ 'dɪ.

⁷ 'Sɔ 'kɔmɔnɪdɪ -nyiiɛ -nɪ, ɪa' due' "nyɪɛ ɔɔpɔ -gbɪɔ -mɛ" 'sɔn 'sani nɔa. Kea -nɪa 'kɔmɔ jeejee ɛ, ɛɛ' 'cɛn mɛ -jii" 'e ɪ 'dɪ.

⁸ 'Sɔ dao' "ji 'e Kea -gbu klaa" 'dɪ 'mɛ, dɛ-nɔɛ' Kea 'a "i 'bɛɛ- o, ɛɛ' "ikmaa' -nɪ 'e ɛ 'dɪ. ɛmɛ -nɔɛ' -wɛɛ nyɔ jɔɔ' se ɛ 'bɛɛ- ɔ 'je 'e ɛ 'dɪ pa mamau 'sɔ nyɔ 'kle -tu" dɪ -mɛ" 'sɔn -nɪa 'e Kea 'a "soa-wɪ" 'kwa -nɪ, ɪ 'je 'o nyɪnɪ.

16

Kea 'a 'cɛn-gbɪɔ -mɛ" 'sɔn

¹ 'Bo -mɛ 'de ɛ, 'ɪn 'wɔn wɪɔ -ɛ -wɪɔ 'e Kea -gbu klaa" 'dɪ, 'de -ɛ -wɪɔ Kea 'a "soa -mɛ" 'sɔn -nɔ -pee, ɛ 'na : Ao mu, -wɛɛ ao 'je Kea 'a 'cɛn-gbɪɔ -mɛ" 'sɔn -nɪ "i "cnii- 'de 'blɔa- "kpei !

² 'Sɔ ɔɔa' "i-saa' -nɔ mu' -wɛɛ ɔ "cnii- ɔɔ' -nɛ -gbɪɔ "i 'de 'blɔa- "kpei. 'Sɔ nyɔ "kleɪn nmi-kwɪɪ 'a juɔ'ɪn nɪa -pɔn" -wɛɛ -ɔɔa -gbɛɛa ɛɛ' -kooɔdɛ "juɔɪ ɛ, nɛ-pii pliɪn" -ɪa -wee' 'a, ɪ "bu ɔɔa' ku -wee' 'mɛ.

³ Ʈɔa' 'sɔɔn -nɔ "cniiɛ ɔɔ' -nɛ -gbɪɔ "i 'de 'tɔnɪɛ wɔn, 'sɔ "nɪ -nɪa 'o ɛ wɔn ɛ -sɛɛ nymɔ 'ɔn ka "ku 'a nymɔ nɪa. 'Sɔ dɛ "o dɛ -nɪa 'kɔmɔ 'bo ɛ wɔn ɛ -wee' 'mɛɛ.

⁴ Ʈɔa' taan -nɔ "cniiɛ ɔɔ' -nɛ -gbɪɔ "i 'de "nɪ-gbii ke "kae- wɔn, 'sɔ ɪa' "nɪ -wee' -sɛɛ nmɔ 'ɔn.

5 -Wɛɛ 'ɪn 'wɔn Kea 'a "soai "ni 'a dbo nɪa 'e 'kwa 'a wlu, ɔ 'na : Kea, ɛmɛ -nɪa 'kmɔ tɛɪn" -wɛɛ -ɛ nɪa 'kmɔ 'de -sɪanwɪ 'di ɛ, ɛ -nɪɛ 'pepe, ɛ -srɛɪ", ɛ -sa tɔ' ɛ je nyɔ 'a 'pee 'je kan'.

6 Kea 'a -jeɪ" naabn ke ɛɛ' wlu 'kwajaaɔn ɔɔ 'dba -wɛɛ -ɔɔa nymɔ 'wla i ɛ, ɛmɛ -tɪ "ni ɛɛ -nyɪa" ɔɔɔɔ -wɛɛ ɔɔa 'na a, ɛ -snɛɛ nymɔ 'ɔn. ɔɔa' nɔɔɔɔ 'a -kao -nao.

7 'Bo -mɛ 'de ɛ, 'ɪn 'wɔn wlu jrɛ' -ɛ -wɔɔ 'o 'sraa-sa'ɪn -wɛɛ -ɛ -na : Tɔ' -o, Tɔ'bo Kea, ɛmɛ -blea "ikmaa' -wee' ɛ, ɛɛ' -tmɔɛ tɔ' -tɪ, ɛɛ' nyɔ 'a 'pee 'jesɔn -srɛɪ".

8 'Ma -gbɔan 'e ke'wɛɛ 'sɔ Kea 'a "soa-wɪ" -nɔ, ɔɔa' -nyɪɪɛ -nɔ "cniɪɛ ɔɔ' -nɛ -gblɔ "i 'de 'jɔɔ 'jɪ. 'Sɔ Kea cɛn 'o wlu 'mɛ -wɛɛ 'jɔɔ 'je nyɔ isian-, ka nɛ ɛ sɪan nyɔ i ɛ.

9 'Sɔ 'jɔɔ -tɛɛ nyɪɔɔɔ isian' -pɔn", 'kaa ɔɔ se ɛ "ɪnɪ ɔɔ 'je ɔɔa' dɪsɪn "i juo- 'de ɔɔ 'je 'e Kea o "biɪɛ-, -wɛɛ ɛɛ' 'nyɪnɪ "i 'bɛɛ-tɪ. Dɛ -jɛ ɔɔa nɔa, ɛmɛ -nɪ Kea nyɔ 'kle -tu" dɪ -nɪ nɪa 'e 'kwa a, ɔɔa dooa ɛɛ' 'nyɪnɪ 'mɛ.

10 'Ma -gbɔan 'emu ke'wɛɛ 'sɔ ɔɔa' -mm" -nɔ "cniɪɛ ɔɔ' -nɛ -gblɔ "i 'bo nmi-kwɪ 'a 'beɔkpa-tɛ "kpeɪ. 'Bo ɛ "srɪ "bɛɛ-kwɪɛ je kɔɔn 'de ɛɛ' 'beɔɔɛ -wee' 'di. 'Sɔ ɔɔ -tɛɛ wɔn nmua' -pɔn" 'de dɪ -ɪa pɔoa ɔɔɔɔ i 'a -tɪ' 'ɔn,

11 -wɛɛ ɔɔa 'tmɔ Kea wlu sɪn -pee 'de 'kle ɔɔa 'jea ke nɛ-pii pliɪn" 'a -tɪ' 'ɔn. ɔɔ se ɛ "ɪnɪ ɔɔ 'je ɔɔa' nɔɔɔɔ "i juo- -wɛɛ ɔɔ 'jɪ o 'bɔ.

12 ɔɔa' -mɛɛɔ"- -nɔ "cniɪɛ ɔɔ' -nɛ -gblɔ "i 'bo juuɔ-gbuu klaa" nyɔ a 'daa- Eflatɪ wɔn. 'Sɔ ɛ ma' 'pepe, -wɛɛ 'beɔ-wɪ" -wɔa 'e 'jɔɔ' 'a 'wɔɔ 'ɪn ɔɔa' -jɛblɔ 'je wɔnflɔn-.

13 'Sɔ 'ɪn 'jɛɛ -siisaun taan "jriɛ- -wɛɛ -ɪa -wɪɔ 'e -sre" o, nmi-kwli o, sɪ 'tmɔi -ɔ -daa' ɔɔ' -cɛ" Kea 'a wɪɔ 'kwajaai 'wɔn, ɪ -kɔ' -crɔ".

14 ɪ nɪɛ -sɪɔn 'ɔ -sɪi -o, ɪa nɔɛ jrii'. 'De ɪa mu 'e 'blɔa- -wee' "klein 'a 'beɔ-wi" o, -wɛɛ ɪ 'je ɔɔpɔ "jrui 'kɪn-, 'de ɔɔ 'je tɔ-fɔn' dɪ nmae-, -wɛɛ Kea -ɛ -kmai" -ɛ -sia dɪ -wee' ɛ, -sɔntɪ ɛɛ' -sɔn' klaa" a mua -sɪan' a, 'de ɔɔ 'je ɛ tɔ o -fɔn'.

15 Sesi 'na : Ao -gbɔn 'nɔ, 'ma muɛ jia' ka "jrii a pa -kwɔɔ ɛ, nyɔ -tea "jriɛ- "i 'de -ɔɔ -tua" ɔɔ' 'ɔnpaadɪ 'a -tɪ', -wɛɛ -ɔ sea ku icɛn 'bo nyɔ -wee' "juɔi 'de -tɪn sea "i 'dbaa a, -mɔ 'di nɔɔ wɔn.

16 'Sɔ -siisaun -nɪ 'kɪɛn 'blɔa- -wee' "klein 'a 'beɔ-wi" "jrui -tajrɔ. 'Bo 'a -ta tu ɛ, nyɔ a 'daa- 'o Amakedɔn 'de Eble wɪɔ 'di.

17 'Bo -mɛ 'de 'sɔ ɛ, Kea 'a "soa -blea -gblɪ -mɛ" 'sɔn kwa -nɔ, ɔɔa' -mɛ" 'sɔn -nɔ "cniɛ ɔɔ' -nɛ -gblɪ "i 'de 'jɛi. 'Sɔ 'ɪn 'wɔn wɪɔ klaa" jɛɛ' -ɛ -wɪɔ 'e 'beɔkpa-te "kpei 'de Kea -gbu klaa" 'di 'de jaɔn 'di. ɛɛ' wɪɔ tu 'na : ɛ -kwɛ- ja la !

18 Wɪɔ -nɛ 'tmɔɔa 'sɔ ɛ, "ni -teɛ "jri i crɛa' -pɔn" nɪan -ɪ nɪan -ɪ, -wɛɛ -cruɛn" o, -tɛn -te "pɪaan' -pɔn" 'sɔ 'blɔa- a crɛ'. ɛɛ' 'blɔa 'a crɛa' tu kmai", ɛ -sɪɛ -jɛi". De -tba' 'e nyɔɔ 'ɔ 'nɔ 'kmɔ "kpei 'kpa'a' a, 'blɔa- se crɛ kan' due'.

19 ɛ nɔɛ' 'sɔ -kwɔɔ klaa" -nɛ je 'foɛ taan 'wɪɔ. -Kwɛ "klein -nɪa 'e 'blɔa- -wee' "kpei sɔn i. Babilɔnɪ -ɛ -nɪa -kwɔɔ klaa" a, ka Kea nɔa ɛɛ' -tɪ' -kwɪɔ oposɔn, 'ka -nao. ɛɛ' -kwɔɔ tu ɛ, Kea 'a 'cɛn ke ɛɛ' 'pee kɔɔɛn'. Ka nyɔ ɔ tba nyɔ kmaanmɔ wɔn ɛ, 'kamɔ Kea ja ɛɛ' -kwɔɔ tu 'kle "kpei.

20 'Bo -mɛ 'de ɛ, 'blɔa- "klein -nɪa 'o "ni 'a 'duu dii ɛ, ɪ -wee' sɔn i, nyɔ 'bɔ crɔɔ foo" 'sɔ 'a "jriɛ-

'jee-tɪ 'mɛ 'bode.

²¹ 'Sɔ "ni-kɪn klae" klae" a 'wɔɛ "jɛi, ɪa jɛa blu 'de nyɔɔpɔ "kpei. ɪa' due' -gbaia kwakusɔn ke -da'soblɔ 'ɔ kwakusɔn 'bɛɛ'. 'De "ni-kɪn -ɪ bluɑ 'mɔɑ 'a -tɪ' 'ɔn ɛ, nyɔɔpɔ a 'tmɛ Kea wlu saɪn saɪn -pee, dɛ-nɔɛ' 'kle ɪa -tua" ɔɔpɔ ɛ, ɛ cɛn -je "kpei -tie".

17

Babilɔnɪ-kwɔ ke nmi-kwli ke

¹ 'Bo -mɛ 'de ɛ, Kea 'a "soa -mɛ" 'sɔn -ɔɔ -blea -gblɔ kwa -nɔ, ɔɔɑ' due' jɪ', -wɛɛ ɔ wlu 'ɔn -pee ɔ 'na : -ɪn jɪ -wɛɛ ka Kea 'jɛa -kwɔi -tenynɔkpɑɔ' klaa" -nɔ 'a 'pee 'jesɔn nɔ ɛ, 'ɪn 'je ɛ -ɔn -tɔɔ. -Kwɔi -tenynɔkpɑɔ' -nɔ ɛ, ɔ nɪɛ -kwɔ klaa" -ɛ -pɔɔɑ 'bo "ni-gbuu -tuu"-tuu wɔɪn" 'a "ipɔɔɛ -o.

² 'Beɔ-wi" -nɪɑ 'e 'blɔɑ- "kpei ɛ, ɔɔ ke ɔ 'kpa 'e jɛi" 'jedɛsɔn 'di 'mɛ -kpa -kpa. ɔɔ se ɔɔɑ' -cɛ" 'ikpɔɑn' 'bɛɛ- 'bode, ɔɔ nɔɛ' mɑmɑɔ 'sɔ nyɔ 'kleɪn -nɪɑ 'e 'blɔɑ- "kpei ke ɔ je 'e jɛi" 'jedɛsɔn 'di 'kpa -wɛɛ ɛɛ' dɛsɔn tu a nɔ ɔɔpɔ ka nɔɔ ɔ nɔɑ nyɔ ɛ.

³ 'Ma -gbɔɑn 'emɔ -nɛ 'sɔ Kea 'a -Suu "jɪ 'de 'ɔn 'ɛ -wɛɛ Kea 'a "soɑi kpa 'ɔn 'de -pɪɔn" blɔɑ "kpei -wɛɛ 'ɪn 'jee- 'nynɔkpɑɔ' due' "jriɛ-, ɔ -tɛɛ i 'bo nmi-kwli -saan "kpei. ɛ 'bleɛ "jru -mɛ" 'sɔn -wɛɛ ɛ 'ble -gbɪn -puue. 'De 'nynɪ -cree" 'a Kea -kɔ' ɛɛ' ku ja.

⁴ Dɪ ɔɑ' 'nynɔkpɑɔ' tu pɑɑ 'ɔn nɔɔ "jrii, ɪ -sɑɪn' -wɛɛ ɪ -wee' nɪ 'sɑni ke "sei 'dɔɛ 'a "kwli -wee' 'a 'sɔ, -wɛɛ ɔ 'ble 'sɑni-kɑun kwa. ɛɛ' Nyɔ sɪɑɪn'-kpɔɔndɪ ke -flɛn" dɪ 'a 'sɔ -jɪ" 'e ɛ 'di. ɪɑ' dɪ tu 'wɔɛ 'de ɔɑ' jɛi" 'jekplɪn 'ɔn.

5 "Nɪʉanyɪnɪ -crɪʉa' 'bo ʉ "juɔi ɛ, ɪ 'bles 'de, ɛmɛ -nɪ Babilɔnɪ-kwɔɔ klaa", 'de ɛ 'ʉn 'demɔ -kwɔi -tenɪnɔkpae' o, -flɛn" dɪ -wee' "klein -nɪa 'nɔ 'blʉa- "kpei 'wɔɔ.

6 'Ma -gbʉan 'emu 'sʉ 'nɪnɔkpao' -nʉ "jri a -si'. Kea 'a -jei" naaʉn -ʉʉa -tmʉa Sesi 'a -tɪ' -wɛɛ nyʉ 'dba a, ʉʉa' nɔɔ -ɛ -wɔɔ i ɛ, ɛmɛ -ɛɛ -si' 'e 'nɪnɔkpao' -nʉ "jri, ka nɔɔ ɔ nʉa nyʉ ɛ. 'In 'jee ʉ "jriɛ- 'sʉ tai' "maa' 'ʉn 'ɛ.

7 -Wɛɛ Kea 'a "soai -tee' 'mii, ɔ 'na : Dɛɛ-tɪ tai' "maa -ʉn ɛ- ? Dɛ -nɪa 'e 'nɪnɔkpao' -nʉ ke nmi-kwɔi -ɛ -blea "jru -mɛ" 'sɔn -wɛɛ -ɛ -blea -gbɪn -puue 'a -tɪ' 'de ɛ, 'ma muɛ ɛ wɔ -saa' 'de -ʉn -pee.

8 Nmi-kwɔi -ɪn -jeea "jriɛ- -nɛ, ɛ nɪɛ 'kmʉ 'de-, 'kaa ɛ se 'kmʉ nɪ 'bode. ɛɛ muɛ 'e "bie-gbau" klaa" 'di 'wɔɔa' -wɛɛ -ta -bo ɛ mu 'de, ɛ 'jea isɔn 'bode -bode 'bode, ɛ 'je 'o mu. Nyʉ -nɪa 'e 'blʉa- "kpei -wɛɛ dɛ -tba' 'e 'kmʉ 'a nʉʉa' -ʉʉa 'nyɪnɪ sea 'crɪɛ 'de 'pʉsbɛ 'di ɛ, tai' 'je ʉʉʉ "maa 'de nmi-kwɔi -nɛ 'ɛ -tɪ' 'ʉn. Dɛ ɛ nɪa 'kmʉ tɛin", -wɛɛ ɛ sea 'kmʉ nɪ 'bode, 'de -ɛɛ mua -taan' ke'wɔɔ ɛ, ɛmɛ -je ʉʉʉ tai' "maa mɔ kpleiin.

9 Dɛ -je -kɔan -tɪ' -ta -mɔ ɛ, ɛmɛ -nɪ tɔ'di nɪa' -a -wɔan 'de dɪ -wee' 'dei 'de -ɛ -bɛɛ' -ɛ -je ɪ wɔ -sa : Nmi-kwɔi 'a "jru -mɛ" 'sɔn -nɪ, ɪ 'de mɛ -nɪ crɪʉ -mɛ" 'sɔn -ɪ "kpei 'nɪnɔkpao' -nʉ -tea i ɛ.

10 ɪ nɪɛ 'beɔ -mɛ" 'sɔn 'ɔ "ipooɔɛ -o -ke. ʉʉa' -mm" blu', ʉʉa' due' nɪ 'o 'ɛ, ʉʉa' -jɔ -sia 'o -mɔ se ji ke. -Bo ɔ ji ɛ, ɔɔ muɛ nyʉ 'blea' 'de nɔ" dɛ-saan" ka 'di.

11 Nmi-kwɔi -je -blea nyʉ tɛin" -wɛɛ -ɛ sea nɪ 'bode ɛ, ɛɛ' -cɛ" 'kpa -nɪ 'beɔ-wi" 'a -mɛ" na -nɔ,

'kaa ɛmɛ -nyniia ʊpʊ -mɛ" 'sɔn -ke. ɛ se 'ʊn -kwlei, ɛɛ jea -ta ɛ 'jea isɔn mu.

¹² 'De ɛɛ' -gbɪn -puue -ɪn -jeea "jriɛ- -nɪ, ɪ nɪɛ 'beɔ-wi" -puue -o, -wi" -mʊ se 'beɔɛ 'ble ke, 'kaa ʊb ke nmi-kwli a muɛ 'nynɪ 'wɪɔa' -tadue 'de nɔ" dɛ-saan" 'di.

¹³ Ka ʊb nɪa -puue ɛ, ʊɔa' tɔ' nɪɛ due' -wɛɛ ʊb "nyɪ ʊɔa' "ikmaa' ke ʊɔa' 'beɔɛ nmi-kwli.

¹⁴ ʊɔa muɛ Kea 'a 'blaaju tʊ o -foan', 'kaa 'blaaju a muɛ tʊ 'a "jru kpaɔ' 'bo ʊpʊ "kpei, dɛ-nʊɛ' ɔ nɪɛ tʊ"bo -wi" 'a Tʊ"bo -o -wɛɛ ɔ nɪ 'beɔ-wi" 'a 'Beɔ. ɔɔ' nyʊ ɔ 'da- -wɛɛ ɔ -teea kpɔɪ" 'de -ʊb sea ɔɔ' -kwli" -tea' o 'bɔ ɛ, ʊpʊ -ke ɔɔ mu tʊ 'a "jru kpaɔ' 'bo 'beɔ-wi" -nʊ "kpei.

¹⁵ 'Sʊ Kea 'a "soai -nɔ wlu' 'de 'ʊn -pee ɔ 'na : "Ni-gbii -ɪ "kpei -kwloi -te'nynɔ -tea ɪ -wɛɛ -ɪn -jeea" "jriɛ- ɛ, ɪ 'de mɛ -nɪ 'blɔa 'a blo' wɔn -wee' o, nyʊ -tuu"-tuu o, 'beɔɛ 'ɛ kpɛ -wee' o, wlu 'a "kwli -wee' nyʊ a poa ke.

¹⁶ 'De -gbɪn -puue -jɪ -ɪn -jeea" "jriɛ- ke nmi-kwli ke ɪa muɛ -kwloi -te'nynɔ -nʊ -flɛɛan', ɪa muɛ ʊ dɪ -wee' "klein ku i-saa' -wɛɛ ʊ 'je kui cɛn. ɪa muɛ ʊa' nmi dia' -wɛɛ ɪ 'je ʊa' -je -sia 'o "jri po,

¹⁷ dɛ-nʊɛ' Kea mɛ -po ɛɛ' tɔ' tu 'de ʊb pɛɛ o -wɛɛ ʊb 'je ɛɛ' -kwɪtɪ nʊ -tadue. ɛmɛ -nʊɛ' -ke -wɛɛ ʊb "nyɪ ʊɔa' 'beɔɛ nmi-kwli. ʊɔa' 'beɔɛ -nɛ, ɛɛ muɛ 'e nmi-kwli 'kwa nɪa' mamaʊ 'sʊ dɪ "klein Kea "sia 'nynɪ -ɪ -jea 'o nynɪ ɪ 'je nʊɛ-.

¹⁸ 'Sʊ ɔ wlu' 'de 'ʊn -pee ke'wɛɛ, ɔ 'na : 'Nynɔkpao' -ɪn -jeea "jriɛ- -nʊ, ʊmʊ -nɪ -kwɔ klaa" 'a "ipooɛ, ʊmʊ -ble 'beɔ -wee' "klein -nɪa 'nɔ 'kmʊ "kpei ɛ.

18

Babilonu-kwlo blu'

¹ 'Bo -mε 'de ε, 'ɪn 'jeeε Kea 'a "soai jrɔ' 'jriε- -ɔɔ -wlv 'e jaɒn 'di -ɔɔ -si" ii, ɔ 'bleε "ikmaa' -tuu"-tuu -wεε ɔɔ' -sɔn' -sɪn' 'nɔ 'blva- "kpei. 'Sv 'nɔ -wee' nɪε "i "puu'-.

² ɔ kpa wlv "jei ɔ 'na : ε blu' -wε-, ε blu' -wε-, Babilonu-kwlo klaa" blu' -wε- ! ε 'kpa -sion' 'ɔ "soa 'a "ti -ta, ε 'kpa -siisain ɔ, nɒvɪ sain nyv a pleea 'a -kwlv,

³ dε-nvε' 'bo εε' -kwlv tu 'di ε, 'blva- -wee' "klein 'a nyv nɒ kao'bledesaɒn 'mε, vɒ se vva' -cε" "ikpvan' 'bεε-. εε nɒ vɒpɒ 'mε, ka nmɔ ɔ nva nyv ε. 'Blva- -wee' "klein 'a 'beɔ nɒ jei" 'jedesaɒn 'mε 'bo εε' -kwlv tu 'di. εε' -kwlv tu 'a 'kmv "kpeidɪ 'a "dia 'jea' cɛn -je "kpei -tie", ε nvε' mamaɒ 'sv 'blva- -wee' "klein 'a 'dɔɔpɒvɪn je "wliiεjeɒn 'kpa.

⁴ 'Sv 'ɪn 'wɔn wlv jrε' -ε -wlv 'e jaɒn 'di -ε -na : Ao -nɪa 'ma 'cε, ao 'wlv 'o εε' -kwlv tu 'di -wεε dɪsain -a nɒva 'bo mυε, ao jɪ nɒ, 'de 'kle -εε mua εε' -kwlv tu "kpei jia' a, ao je ε 'je.

⁵ Dɪsain -nɒva 'bo εε' -kwlv tu 'di ε, Kea sɪ ɔ "mae i, dε-nvε' ɪ -tu" ε "kpei mamaɒ 'sv ɪ je 'e jaɒn 'di nyɪ.

⁶ Dɪsain εε' -kwlv tu nva nyv "jrɪi ε, ɪmɪ nyv 'je ε 'jrɪi nɒ. Nyv a mυε ɪa' kpan -saa' kpe 'sɔɔn. Nmɔ nyv 'je ε "nyɪ -wεε ε 'jea 'na a, ε "kae' kpe 'sɔɔn ε je εε' -nε nmɔ ε "nyɪa nyv tɛin" -sii.

⁷ Ka ε 'bεεa εε' -cɛi" tɛin" -wεε ε -sia 'nynɪ-san nva' ke "wliiε- 'blea' "ni 'di ε, 'kamɔ 'kle ke -ftn" wlv -εε mua 'jea' ɪa mu -jei" -sia' -ke, dε-nvε' εε' -kwlv tu a naa tɔ' i ε, ε 'na : ε nɪε 'o dɪ -wee' "klein 'jrɪu kɔ', ka tɔ"bo nynɔkpao' nɪa. ε 'na :

Ka -tion" 'nyno nua 'in se kan' nui 'no 'kmb, -fin" wlu se 'o 'ma -kwlo -tu 'di jii.

8 'De ia' wlu tu 'a -ti' 'bn ε, εε' -ne 'kle -tea ε 'dei ε, εε muε jia' 'de 'wi due' koun -gbai' 'di : 'mea' o, "nmia- o, 'kwe- paa' o, 'muε- ε muε εε' -kwlo tu "kpei jia' -weε ne 'je ε di, 'de ε 'je ison-, dε-nuε' Tɔ"bo Kea -ε -jea εε' 'pee ε, ε kmai".

9 'Blva- -wee' "klein 'a 'beo -vɔ nva jei" 'jedesaun 'bo εε' -kwlo tu 'di -weε -vɔ nva vba' 'tun nudɪ -saun -bo ε 'kpa "jri -weε vɔ 'je εε' dao' "jriε- 'jee -ε, vba muε -fin" 'a -weε vɔ 'je kple 'de εε' -ti' 'bn.

10 'Kle -jea ε "kpei ji εε' faun a muε vɔvɔ nva' -weε vɔ 'je ε o tεen-, 'de vɔ 'je wlu ka : -A -blu" -aa ! Ua' dɪ 'je cre ! Babilonɪ -kwlo klaa" -ε -kmai" ka 'sɔ ε 'de 'jri 'a -te due' 'di 'pee 'a -ma kpun sun -naoo ?

11 'Blva- -wee' "klein 'a 'dooɔvun a -fin" -ke -weε vɔ pa 'kwe- 'de εε' -ti' 'bn, dε-nuε' nyo jro' 'o -tin' vba' pleedɪ 'bode. Dɪ vɔ plea 'bo εε' -kwlo tu 'di 'de ε, ɪ ka :

12 dɪ 'dɔe o, 'sani o, 'wei -tien o, "sei -ku 'dɔe 'dɔe ke -sɔɔ 'o kpe -wee' nva o, -pɔn" -tu" dɪ ke "jii-pae' 'dɔe 'dɔe o, tae' -saan 'a kpe -wee' o, tae' jree" jree 'a kpe -wee' o, ɪ ke -paadɪ ti 'dɔe nva o, dɔe 'ε 'nynɪ o, -tien o, nuε -jɪ "sou nva ke-.

13 Dɪ 'a kpe -ia 'nu nmɔa 'e nyɔ 'mlai o, jri' nɪ 'cna, -weε jri' nɪ -dai'klo 'de jri' nɪ sii" win, jri' nɪ tu 'a 'kwɪn nyɔ a 'dɪ Kanɛɪ ke mii- ke tu jre' ε tɛn' nyɔ a poa "jri ke-. Vɔ ple dɪ nyɔ a -sa 'e -kle' ε : nmɔ o, 'cna o, fai'pɔ o, "ple ke. Vɔ ple nmi : bli' o, 'blae o, soe" o, ɪ ke kamio ke-. Uba' 'doo poa' nuε' mamaɔ 'sɔ vba jea nyio ple.

14 -Wɛɛ ʊba' 'dɔɔpoun tu wlu -kwɔɔ -nɛ -pɛɛ ka, ʊb ʎa : Dɪ "klein -ma pɛɛ poa "i ɛ, ɪ -wee' tɛɛn -ʊn o -wɛ-. -Ma dɪ 'dɔɛ 'dɔɛ o, -ma "wlii- -ɪa fan o, ɪ -wee' "maa -wɛ- la. Ka "o ka ɪ 'je ɪ nɪ ɛ, nyʊ sɪ 'jei 'bode.

15 'Dɔɔpoun -ʊba plea dɪ -nɪa 'mʊa- 'de ɛ, -wɛɛ -ʊb -kpa "wliijeʊn 'bo ɛɛ' -kwɔɔ tu 'di ɛ, ʊba muɛ 'kle -ɛ -ji' ɛ "kpei pleea' -wɛɛ ʊb 'je ɛ o tɛɛn-. 'De ʊb 'je -fɪn", -wɛɛ ʊb 'je 'kwɛ- pa,

16 ʊb 'je nʊ : Wɛɛ-tɪ oo ! Wɛɛ-tɪ oo ! -A -blu" -aa, nyʊ -nɪa ɛɛ' -kwɔɔ klaa" tu 'di -paa dɪ 'dɔɛ 'dɔɛ ke tae' -saan 'a kpe -wee' 'ʊn, -wɛɛ dɛ -nɪa 'sani o, "sei 'dɔɛ 'a kpe -wee' o, -srɔ 'ɔ "kwli -wee' 'a 'sʊ ɛ,

17 ɛmɛ 'de nɔ" dɛ-saan" 'di 'sʊ -ɛɛ "wlii- -tuu" -nɪ sɔn i.

-Bato' tbaʊn o, -kwɛɛ" poun o, -bato' kpaʊn o, nyʊ "klein -a nʊa "nidbo 'bo 'tɔnɪɛ "kpei o, ʊb -wee' tɛɛn 'kpʊʊ -kwɔɔ -nɛ nɪa "kpei o,

18 -wɛɛ ʊba 'je ɛɛ' nɛ 'ɛ dao' i 'de ʊba "wɔ, ʊb 'na : -Kwɔɔ klaa" -nɛ, -ɛ -ke -kwɔɔ jɾɛ' sea "i -tee'- 'sʊ ɛ !

19 'Sʊ ʊba bla pɛɛ, ʊba -fɪn", -wɛɛ ʊba kple, ʊb 'na : Wɛɛ-tɪ oo ! Wɛɛ-tɪ oo ! -Kwɔɔ klaa" -nɛ -ɛ -nɪa "wliiɛ-kwɔɔ -wɛɛ -ɛ 'di nyʊ "klein -blea -bato' 'kpaɛ' "wliijeʊn ɛ ! ɛmɛ -sɔn i 'de 'jɾiɛ -tɛ due' 'di i !

20 Jaʊn, ɛ nʊ 'mʊa- 'de -kwɔɔ -nɛ 'ɛ isɔn-tɪ 'ʊn. Ao -nɪa Kea 'a nyʊ o, Sesi 'a dboun o, Kea 'a wlu 'kwajaʊn o, ao nʊ 'mʊa- -ke ! Dɛ-nʊɛ' -bo Kea 'je ɛɛ' -kwɔɔ tu 'a 'pɛɛ kan' a, -mɛ ɛ 'wɔʊɛ aopʊ o 'de aoa' "isɾɛ -tɪ 'ʊn.

21 'Sʊ Kea 'a "soai -ɔ -kmai" ɛ, ɔ "due "soukpo klaa" due' 'ʊn. ɛɛ' "sou tu kuɛ kwa, 'de ɔ -fiɪ" ɛ

'de 'tɔniɛ wɔn -wɛɛ ɔ 'na : 'Kamɔ nyɔ a mu 'kpu 'ɔn "dua" -wɛɛ nyɔ 'je Babilɔnɪ-kwɔlɔ klaa" -sɔn pɔ, -wɛɛ nyɔ se ɛɛ' -kɔ 'jei 'bode -bode 'bode.

²² Nyɔ se ɛɛ' -sɪplɔ blaʊn ɔ, "kwi -kweɪn blaʊn ke -tɪɛn'kɔʊn blaʊn 'a blewlu 'wɔɪn 'bode. Nyɔ se ɛɛ' dbaʊn ɔ, maʊ ɔ, ti -paʊn 'a jɾɔ' "jɾiɛ- 'jei 'bode. Nyɔ se "sun ke -toe 'a wlu 'wɔɪn 'bo ɛ 'di,

²³ nyɔ se -dam'ba 'a -sɔn' "jɾiɛ- 'jei 'bomu. 'De nyɔ se 'nynɔ ke kʊan 'a wlu 'wɔɪn 'bo ɛ 'di 'bode, dɛ-nʊɛ' ɛɛ' 'dɔɔpɔʊn mʊ -nɪ 'blʊa -nɛ 'ɛ "jɾuʊɛn klae" 'de-, -wɛɛ ɛɛ' -kwɔlɔ tu 'a "jɾiinmɔa' -ɛ -nɪa jɾii' -sɔn ɛ, ɛ -cri' 'blʊa- -wee' "klein 'a nyɔ 'mɛ -wɛɛ ɛ pɔɔ ʊpʊ 'srɛ i.

²⁴ Dɛɛ-tɪ 'pee kpɔn a Babilɔnɪ-kwɔlɔ ɛ, ɛmɛ -nɪ Kea 'a wlu 'kwajaaʊn ɔ, Kea 'a -jei" naʊn ke nyɔ "klein nyɔ 'dba 'de 'blʊa -wee' "kpei 'bo ɛɛ' -kwɔlɔ tu "jɾu mɔ ʊba' nymɔ 'kpa.

19

'Mɔa klaa" -nɪ 'e jaʊn 'di

¹ 'Bo -mɛ 'de ɛ, 'ɪn 'wɔn wlu jɾɛ' 'e jaʊn 'di ka nyɔ -tuu"-tuu a wlu, ɛ 'na :

Aleluia ! Ao 'bɛɛ- Kea 'a 'nynɪ "i ! 'Pʊba' ɔ, 'nynɪ 'wlu' ɔ, "ikmaa' ɔ, ɪ nɪɛ -aa Kea 'a dɛ -o !

² -Bo ɛ 'je nyɔ 'a 'pee ɛ, dɪ ɛɛ 'tmʊa ɪ nɪɛ tɔ' -tɪ -wɛɛ ɪ 'srɛi". 'Kaa -kwɔlɔi -te 'nynɔ klaa" -ʊa dɛ "jɾiitɪan' dooa 'blʊa- -wee' "klein 'a "jɾu ɛ, ɛ 'je ʊa' 'pee -wɛ-. ʊ 'dba Kea 'a dɔnɔʊn, ɛmɛ -tɪ Kea -sa ʊpʊ kpɔn ɔ.

³ 'Sʊ ʊp wlu' ka ke'wɛɛ, ʊp 'na : Ao 'bɛɛ- Kea 'a 'nynɪ "i ! Nɛ -poa' -kwɔlɔ klaa" -nɛ "jɾi ɛ, ɛɛ' daɔ' se "bu -tɪ 'bɔi 'bode.

4 'Sɔ nyɔ-cɔɔn' 'a kwla 'sɔɔn 'jɔ -nyiiɛ -nɔ o, 'kmɔnɔdɪ -nyiiɛ -nɪ "siiɛ- 'kɔi- i -wɛɛ Kea -tea i 'bo 'beɔkpa-tɛ "kpei ɛ, ɔɔa -gbɛɛ' nɛ, ɔɔ 'na : Tɔ' -o, 'kamɔ ɛ nɪ- -cɛɛn'-. Aleluia ! Ao 'bɛɛ- Kea 'a 'nyɪ "i !

5 'Bo -mɛ 'de ɛ, wlu jrɛ' -wɔɔ 'o 'beɔkpa-tɛ "kpei, ɛ 'na :

Ao nyɔ "klein, aɔpɔ -nɪa Kea 'a dbonɔɔn -wɛɛ -ɔɔ pleea Kea a, aɔa' mɪ" ke klae" 'bɛɛ- -aa Kea 'a 'nyɪ "i !

6 'Sɔ 'ɪn 'wɔn wlu jrɛ' ka nyɔ -tuu" 'a wlu nɪa, 'kamɔ ɛ nɪ-. ɛ -kɔ' "ni-gbuu klaa" a klu, ɛ -kɔ' -na "ni 'a "plan wlu-. ɛɛ' wlu tu 'na :

Aleluia ! Ao 'bɛɛ- Kea 'a 'nyɪ "i ! Dɛ-nɔɛ' -aa Tɔ"bo Kea -ɛ -kmai" -ɛ -sia dɪ -wɛɛ' ɛ, ɛɛ' 'beɔnɔsɔn pɔ "jri "kpae' -wɛ- !

7 -A nɔ 'mɔa-, -a 'di nɔɔ wɔn, -a -bɛɛ' Kea 'a 'nyɪ "i ! Dɛ-nɔɛ' 'blaaju 'a 'nyɔɔ 'ble-kɔ 'ɔ -tu" wɪ nyɪnɪ'. ɔɔ' -pɔin -tu" -kɔ' dɪ -pɔn" -wɛ-.

8 Dɪplɔ -ɪ -plua" "puu' -wɛɛ -ɪa fan a, ɪmɪ Kea "nyɪ ɔ -wɛɛ ɔ paa 'ɔn.

Ua' 'ɔnpaadi 'dɔɛ -nɪ, ɪmɪ -nɪ Kea 'a -jei" naaɔn 'a "isrɛdɪ ɔɔa nɔa.

9 'Sɔ Kea 'a "soai -nɔ wluɛ 'ɔn -pee, ɔ 'na : -In -cɪɪ wlu -nɛ : Nyɔ -ɔɔ -daa' -wɛɛ -ɔɔ -jea Kea 'a 'sraa -sablaaju 'a 'nyɔɔ 'ble-kɔ -sɔn mu ɛ, -wi" -mɔ nɔ 'mɔa- ! -Wɛɛ ɔ wlu ke'wɛɛ, ɔ 'naa : Wlu -nɪ ɪ nɪɛ tɔ' -tɪ, Kea 'a -cɛ" 'kpa -da kan'.

10 'Sɔ 'ɪn "siiɛ 'kɔi- i 'bo ɔ "juɔi -wɛɛ 'ɪn 'je ɔ "juɔi -gbɛɛ'-. 'Kaa ɔ wlu' 'de 'ɔn -pee ɔ 'na : "ɪn-, -ɪn -bo 'ɔn "juɔi -gbɛɛ' ɛ, Kea mɛ -ɪn -je "juɔi -gbɛɛ' ka- ! 'Mɔ nɪɛ Kea 'a dbonɔi -o -ke, ka -ɪn -ke -ma de 'di-wi" -pɔa' Sesi -tɪ' o nɪa, 'kamɔ 'ɪn nɪ-. Sesi

-tɪ' o poa' -nɛ, ɛmɛ Kea 'a -Suu a nu 'de Kea 'a dɒnɒn 'ɒn, -wɛɛ ɒba 'tɒm ɛɛ' -tɪ' 'de nyɒ -pee.

"Ju -tea soo" plu "kpei ɛ

11 'Ma -gbɒn a 'e 'sɒ jaɒn kain ɛ wɒn. 'Sɒ soo" plu due' -tan'. "Ju -tea 'bo ɛ "kpei ɛ, nyɒ a 'dɒɒ-wlu "kpei- kɒn i ke tɔ' "i nyɒ ke -wɛɛ ɔɔ' nyɒ 'a 'pee 'jesɒn ke ɔɔ' tɒ -fɒn' sɒn 'srɛi".

12 ɔɔ' "jri -kɔ' nɛmɒɔ, -wɛɛ ɔ -tu" tɒ"bofan -tuu"-tuu "jru. ɔɔ' 'nyɒ -jɪ -crɪa' nyɒ jɔɔ' se -mɪ 'a 'da ka juɔ- -bo ɛ se ɔɔ' 'sɒ nɪ ɛ.

13 "Bai -tɔɔn' ɔ paa 'ɒn ɛ, ɛ -wee' nɪɛ nymɔ 'ɔ 'sɒ. ɔɔ' 'nyɒ jɪ' -nɪ Kea 'a wlu.

14 "Sɒ -nɪa 'e jaɒn 'di ɛ, ɒɒ -wee' nɪɛ 'o ɔ 'de, -wɛɛ ɒɒ -wee' -te soe" plu "kpei 'de ɒɒ paa dɪ pli 'dɔɛ 'ɒn "puu".

15 -Placɛ -nma" a, mɛ -wɒɒ 'de ɔ 'wɒn -wɛɛ -ɛ -je tɒ 'a "jru kpa 'bo 'blɒa- -wee' "klein 'a nyɒ "kpei. ɔɔ' -cɛ" 'kpa a muɛ nɪɛkpa 'ɒn "dua' -wɛɛ ɔ 'je ɒɒɒ 'dei -te. Ka nyɒ ɔ dua rɛsɛn jɔ 'ɔ, ɔɔ' -cɛ" 'kpa -a mu ɒɒɒ "kpei naa'. Kea -blea "ikmaa' -ɛ -sia dɪ -wee' ɛ, 'kamɔ ɛɛ' 'cɛn klaa" a mu "jri "kpaɛ' poa'.

16 'Nyɒ -crɪa' 'bo ɔɔ' "bai ke ɔɔ' bɒ 'pɔɔ' -pɒn" ɛ, umɪ -nɪ : 'Beɔ-wi" 'a 'Beɔ ke tɒ"bo -wi" 'a Tɒ"bo ke.

17 'Sɒ 'ɒn 'jee Kea 'a "soa i "jriɛ- ɔ -nyɒna i 'de 'jɪɒ "jri -wɛɛ -ɔɔ kpa wlu "jɛi 'de -ɔɔ -da nɒɒ "klein -ɪa -wan" 'e "jɛi ɛ, ɔ 'na : ɪ jɪ, ɪ 'kɪɛn- "jɪɪ ! -Wɛɛ diidɛ klaa" Kea 'jea ɪ "nyɒ ɛ, ɪ 'je ɛ di.

18 ɪ jɪ -wɛɛ ɪ 'je 'beɔ-wi" o, "sɛi 'a klae" o, "ikmaɒn o, soe" ke ɪa' "kpei -teɒn o, nyɒ "klein

-nia kʊɔnpʊ- o, -ce" -peeteɔn o, mu" ke klae" 'a nmi di.

¹⁹ 'Bo -mε 'de 'sʊ 'ɪn 'jεε nmi-kwli -nε ke 'blʊa 'a 'beɔ-wi" ke ʊa' tʊ-fɔn "jriε-. ʊɔ 'kʊɛn "jrui -wεe ʊɔ 'je "ju -tea i 'bo soo" plu "kpei ke ɔɔ' "soa-wi" tʊ o -fɔn'.

²⁰ 'Sʊ tʊ du nmi-kwli ke εε' 'cε 'mε -wεe ʊɔ kɔn ε ke εε' sɪ 'tmʊi -nɔ ke. ʊmɔ ɔ -daa' ɔɔ' -ce" Kea 'a wlu 'kwajaai 'de-, -wεe ɔ nʊ jrui' klae" klae" 'bo nmi-kwli "juɔi. 'De ɪa' jrui' tʊ 'ɪn 'bomɔ ɔ cεen -wεe nyʊ "klein nmi-kwli 'a juɔ'ɪn nɪa -pʊn" -wεe ʊɔ -gbεεa' εε' -kooɔde "juɔi ε, ɔ pʊɔe ʊɔpʊ 'srε i tein". Nmi-kwli ke εε' sɪ 'tmʊi ʊɔ kɔn a -nʊ, ʊɔ se 'mε 'sʊ ʊɔ je ʊɔpʊ 'de -toun" klaa" 'di 'de nε-gbauo klaa" ke 'nʊ -nyɪia "jrui -ε 'dba nyʊ 'ɪn -fi" e-.

²¹ -Placnε -ε -wɪa 'e "ju -tea i 'bo soo"- "kpei 'wɔn ε, εmε -dba nyʊ -jʊ -sia 'o mu ε, -wεe nʊɔ -wee" "klein di ʊa' nmi, 'sʊ ɪ dbo.

20

-Sɪn 'a "wlu due' 'a -ti'

¹ 'Ma -gbʊan 'emu 'sʊ ε, Kea 'a "soai due' -wɪɔ 'e jaʊn 'di ɔ -si" ii ɔ 'bleε "bie-gbau" klaa" 'a -da'kle ke -gbaace' "dbu klaa" kwa,

² -wεe ɔ kɔn -srε" -nε, εmε -nɪ sɛn soa soa, εε' 'nyɪn -nɪ -sɪɔn' ke Satan ke, -wεe ɔ sɔɔn -gbaace' "dbu -nε i 'de ɔ 'je isaan mamaʊ 'de -sɪn 'a "wlu due' 'di.

³ 'Sʊ Kea 'a "soai -fii" ɔ 'de "bie-gbau" klaa" -ε sea "ti -ta 'ble 'di -wεe ɔ pʊε -da'kle "wɔɪn 'de ɔ kaan ε 'de woi "klɔklɔ -wεe -srε" je nyʊ 'a "jrui -jei" -saa mamaʊ 'sʊ -sɪn 'a "wlu due' -nɪ 'je -si'.

-Bo -sɪn 'a "wlu due' -nɪ 'wɫɔ 'o -jei" ε, ʊba muε ɔ ikaian' 'de nɔ" dɛ-saan" ka 'di.

⁴ 'Bo -mɛ 'de ε, 'ɪn 'jeeε 'beɔkpae -tuu" "jriε-, ɪ ke nyɔ -tea i 'bo ɪ "kpei ke. ʊb "nyɪε ʊba' nyɔ tu "ikmaa' -wɛε ʊb 'je nyɔ 'a 'pee 'je. Nyɔ -ʊb -jea Sesi 'a -tɪ' tɔ' 'ɪn, -wɛε ka ɔ nɪa ʊba' 'Blei -ʊb -tmɔ ε 'de nyɔ -pee -wɛε -ʊb -tmɔa Kea 'a wlu 'de ʊb cɛan "jru "i 'de εε' -tɪ 'ɪn ε, 'ɪn 'jeeε ʊba' -sii "jriε-ke. Nyɔ "klein -ʊb sea nmi-kwli ke εε' -koɔɔɔε "juɔi -gbεε' -wɛε εε' juɔ'ɪn sea 'o "juɔi nɪ, 'de ε sea 'o sɪn "kpei nɪ, -ʊb -mɛa 'de εε' -tɪ' 'ɪn ε, ʊb -wee' jɪε 'kmɔ de, 'ɪn 'jee- ʊbɔɔ "jriε- 'mɛ -ke. -Wɛε ʊb ke Nyɔ'pɔɔi Klisi 'je 'nyɪnɪ i 'wɫɔɔ 'de -sɪn 'a "wlu due' 'di.

⁵ 'Mɛʊn -sia 'o mu ε, -wi" -mɔ se 'kmɔ de jii mamav 'sɔ -sɪn 'a "wlu due' -nɪ 'je 'o -jei" 'wɫɔ. Nyɔ ʊb 'dbaa -wɛε -ʊb -sɔan "kunyɔ' -nɔ εmɛ -nɪ "kunyɔ' sɔan 'a "i-saa' -nɛ.

⁶ Nyɔ -ʊba mua "kunyɔ' sɔan' "i-saa' nɔ" nyɔ -ɔɔ mua 'e -wi" -mɔ "klu nɪa' a, -mɔ nɔ 'mɔa-, Kea 'a "diwan kpɔɔn'. 'Mɛa 'a kpe' sɔɔn -nɛ se ɔ 'bɛε- 'bode. 'Kaa ʊba' nyɔ tu ε, ʊba muε Kea ke Nyɔ'pɔɔi Klisi "juɔi nɔba' -wɛε ʊb ke ɔ 'je 'nyɪnɪ i 'wɫɔɔ- -tadue 'de -sɪn 'a "wlu due' 'di.

Tv du Satan 'mɛ 'bode -bode 'bode

⁷ -Bo -sɪn 'a "wlu due' -nɪ 'wɫɔ 'o -jei" ε, Satan a muε i kaian' -wɛε ɔ 'je -kaso 'di 'wɫɔ.

⁸ 'De ɔ 'je 'blɔa- -wee' 'a nyɔ 'srɛ i pɔoa' mu, εmɛ -nɪ -Gokɪ ke Magogɪ -kɪ 'de ɔ 'je 'e 'blɔa 'a 'fɔ -nɪa -nyiiε "kpei mu -wɛε ɔ 'je 'beɔɔε -wee' "klein 'a nyɔ 'srɛ ipoo-. ɔɔ muε ʊbɔɔ "jrui 'kɪan' -tajrɔ -wɛε ʊb 'je Kea 'a nyɔ tɔ o -fɔn'. ʊba muε "i -tia' ka 'tɔnɪε 'a -pɪɔn" nɪa.

9 Ʋba mɛ 'blɔa- -wee' "kpei -gbaa' -wee ɔ ʒe Kea 'a 'cɛ ke ɛɛ' -kwɔ -ɛɛ -tɪ' ɛ kma 'dei -pin. 'Kaa nɛ ɛ mɛ 'de ʒaɔn 'di 'wɔa' -wee ɛ ʒe ɔɔpɔ i-sa.

10 'Sɔ -sɔɔn' -ɔ -pɔɔa ɔɔpɔ 'srɛ i ɛ, ɔ kpɔɔɛn' -wee ɔ -fii' 'ɛ 'de -toun" klaa" 'di 'de nɛ-gbauo klaa" ke 'nɔ -nyniia "jrii -ɛ 'dba nyɔ 'ɔn -ta nmi-kwli ke sɪ 'tmɔi nɪa. 'Demɔ ɔɔ ʒe nɪ- -wee ɔɔ ʒe ɔɔa' -cɛ" wɔn ʒe jeejee 'de "maɔ'wɪ ɔ 'jɔɔ -gbaɔwɪ 'di mamaɔ 'sɔ.

De 'bɔɔ-pee'

11 'Bo -mɛ 'de ɛ, 'ɪn 'jeeɛ 'beɔkpa-tɛ -plu klaa" due' "jriɛ- ɛ ke "ju -tea i 'bo ɛ "kpei ke. 'Blɔa- ke ʒaɔn sɔn i 'bo ɔ "juɔi, ɪ se -teɪn 'ble 'bode.

12 'Sɔ 'ɪn 'jeeɛ 'mɛɔn 'a mɪ" ke klae" "jriɛ-, ɔɔ nyna i 'bo 'beɔkpa-tɛ "juɔi. 'Sɔ 'sbɔpin -tuu"-tuu kaiɛn "wɔɪn. -Wɛɛ 'sbɛ jɔɛ' kaiɛn "wɔɪn ke'wɛ 'bo -mɛ 'de -mɛ nɪ 'kmɔɪsbɛ. 'Bo 'mɛɔn 'a nɔɔɔɔ -ɪ -crɪa' 'de 'sbɪ -nɪ 'di "kpei mɔ ɔɔa tba -wee ɔɔa ʒe ɔɔa' 'pee.

13 'Sɔ nyɔ -mɛa 'e 'tɔniɛ wɔn ɛ, 'tɔniɛ ʒa -wi" -mɔ 'mɛ, -wee 'mɛa' ɔ, 'mɛɔn 'a -kwɔ ɔ, -mɪ ʒa ɪa' -nɪ 'mɛɔn -ke. -Wɛɛ ka jɔɔ' ɔ nɔa, 'kamɔ ɔɔ' 'pee ʒe 'jeeɛ, ka jɔɔ' ɔ nɔa, 'kamɔ ɔɔ' 'pee ʒe 'jeeɛ.

14 'Sɔ ɔɔ kpɔn 'mɛa' ke 'mɛɔn 'a -kwɔ 'mɛ, ɔɔ -fii" ɪ 'de nɛ-gbauo klaa" 'di. Ʋba' 'de nɛ-gbauo klaa" 'di mua' -nɛ, ɛmɛ -nɪ 'mɛa' 'a kpe 'sɔɔn -nɛ.

15 Nyɔ "ɔ nyɔ -ɔɔ 'nynɪ sea 'crɪɛ 'de 'pɔsbɛ -nɛ 'di ɛ, -mɔ -fii" ɛ 'de nɛ-gbauo klaa" 'ɔn.

21

ʒaɔn dee ke 'blɔa- dee ke

1 Javn ke 'blva- -ji -nia tein" ε, -mī sōn i, ι ke 'tōnie ke. 'Sv 'in 'jee javn dee ke 'blva- dee "jriε-.

2 'Sv Selisalem -kwlo -dee -ε -nia Kea 'a -kwlo ε, ε 'wlvε 'e javn 'di εε jea i "si -wεε 'in 'jee- ε "jriε-. Ka 'nynia -saan" -va -tia" jra dee 'vn a -tua" dī 'dōe -pvn" -wεε va 'jaa- va' kvan "i ε, 'kamō εε' -kwlo -tu nī-.

3 'Sv 'in 'wōn wlu klaa" jre' -ε -wlv 'e 'beokpa-te o fō o -wεε ε 'na : Ao -gbvn 'nō, Kea ji 'de nyiōpv "klu "tia" -wε- la. Ε ke vpv "tii' 'bode -wεε vva mu εε' nyv nīa', 'de Kea 'a -ce" 'kpa ke v v 'je i -te -wεε ε 'je vpv 'a Kea nī-.

4 Εε muε vpv "miini "jri i-saa'. 'Mea' o, 'kwε-paa' se nī 'bode. Nyv se -fīn" -cruen" ke kplewlu 'wōin. Nyv se 'kle 'jei 'bode, dε-nvε' dī -ji -nia tein" ε, -mī -si'.

5 'Sv "ju -tea i 'bo 'beokpa-te "kpei wlu' ka, o 'na : -In -gbvn 'nō, 'in pōε dī -wee' "klein 'a -gbōdee 'ni. 'Sv o 'na : -In -crī wlu -nī, dε-nvε' ia' wlu tu nīε tō' -tī, ι nīε -kwli" -te' ka.

6 -Wεε o wlu ke'wlvε, o 'na : Ε -kwε- ja -wε- ! 'Mō -saa 'i, 'mō -bōō' de, 'mō -kōn nya, 'mō -kan dī -wee' "jru. Nyō "o nyō "ni 'natvn a nva, "ni -ε -wlvā 'o 'kmōnī nī 'a "jru "kpei ε, εmε 'ma mu o "nyia' foo" 'vn, -wεε o 'je 'na.

7 Nyō -ōō mua tv 'a "jru kpaa' a, ia' dī tu a muε oō' 'ken nīa'. 'In 'je oō' Kea nī, 'de oōō 'je 'ma "ju nī-.

8 'Kaa nyv -vva pleea nyv 'a "jri -wεε -vva' -kwlea wlu fai" pōō -tī o, nyv -vv sea Kea -kwli" -te' o, nyv -vva nva -fīen" dī 'a "kwli -wee' o, "ku 'dbavn o, kao'blevn o, jrii' pōvn o, kōvn "juōi -gbεεvn o, sv 'tmv vn o, vva' -nī -tevn nīε 'de

nɛ-gbauo klaa" ke 'nɔ -nyniia "jrii -ɛ 'dba nyɔ 'ɔn. Uɔa' 'de ɛ 'ɔn mua' mɛ -nɔ 'mɛa 'a kpɛ 'sɔɔn -nɛ.

Selisaɛm -kwɔ -dee

⁹ 'Sɔ Kea 'a "soa -mɛ" 'sɔn -nɔ -ɔɔ -blea -gbɔ -mɛ" 'sɔn kwa 'de -ɔ 'di nyɔ 'kle -tu" dɔ -mɛ" 'sɔn -bɔɔa' de nɔa ɔɔa' due' ji' -wɛɛ ɔ wlu 'ɔn -pee, ɔ 'na : -In ji -wɛɛ 'ɔn 'je -ɔn Kea 'a 'sraa -sablaaju 'a -pɔɔn tɔɔ-, ɔmɔ -nɔ ɔɔ' 'nynɔ.

¹⁰ 'Sɔ Kea 'a -Suu "ji 'de 'ɔn 'ɛ -wɛɛ 'ma -gbɔan 'emu 'sɔ 'ɔn 'jeeɛ Kea 'a "soai -nɔ "jriɛ- ɔ kpa 'ɔn 'de crɔ -tɔɔn' -tɔɔn "jru pue'. 'De ɔ tɔɔ 'ɔn Selisaɛm -kwɔ -dee -ɛ -nɔa Kea 'a -kwɔ ɛ, ɛɛ 'wɔɛ 'o Kea -pɔn" 'de jaɔn 'di -wɛɛ ɛɛ "si i.

¹¹ Kea 'a -sɔn' -sɔn' ɛ 'de woi -ta -wee'. ɛ nɔɔ "jrii, ɛɛ fan' ka "sou 'dɔe a fan'. ɛɛ' "jriinmɔa' a -flaan' 'e nyɔ "jri ka "sou 'dɔe nyɔ a 'daa- Klitalɔ nɔa.

¹² Blo' -pian' ɛ 'dei ɛ, ɛ 'bɛ "kpei- -wɛɛ ɛ tɛn ja. ɛ 'bleɛ -gbɛin" -je 'a -puue 'jɔ 'sɔɔn, -wɛɛ Kea 'a "soa -puue 'jɔ 'sɔɔn ɔ fuo ɔa' -gbɛin" -je tu i due 'due. Israɛ 'a -kɔn -nɔa -puue 'jɔ 'sɔɔn ɔ, ɔa' 'nynɔ 'crɔɛ due 'due 'bo -gbɛin" -je -nɔ "kpei.

¹³ -Gbɛin" -je taan -nɔ ɛɛ' -kwɔ tu 'a 'fɔ -nɔa -nyiiɛ o i : -gbɛin" -je taan nɔ 'e 'jɔv' 'a 'wɔ 'ɔn fɔ o, -wɛɛ taan nɔ 'e 'jɔv' 'a dianfɔ o, -wɛɛ taan nɔ 'e 'jɔv' 'a kɔanfɔ o, 'de taan nɔ 'e 'jɔv' 'a blu 'ɔn.

¹⁴ Blo' -pian' ɛɛ' -kwɔ tu 'dei -nɛ, ɛ tba 'o "sei kpi 'a -puue 'jɔ 'sɔɔn "kpei. Kea 'a 'sraa -sablaaju 'a dboun -nɔa -puue 'jɔ 'sɔɔn ɔ, ɔɔpɔ 'a 'nynɔ 'crɔɛ 'bo "sei -nɔ "kpei due 'due.

¹⁵ Kea 'a "soai -ɔɔ wlu 'ɔn -pee -nɔ, ɔ 'bleɛ tu -ɛɛ dbaa dɛ kwa, dɛdbaatu -nɛ 'sani -nɔ ɛ. ɛmɛ

ɔ "duo- 'bɪn -wɛɛ ɔ 'jɛ -kwɔɔ -nɛ ke ɛɛ' blo' 'a wɔn ke ɛɛ' blo' dbaa-.

16 -Kwɔɔ -nɛ, ɛ 'bleɛ 'fɔ -nyiiɛ, ɛɛ' 'fɔ -wee' tɛɛn 'bɪn 'ɛ. Kea 'a "soai nɔa ɔɔ' tu -nɛ -wɛɛ ɔ dbaa -kwɔɔ -nɛ 'sɔ ɛ, ɛ nɛɛ -jɛblɔ- 'a -toe nyɔ a na 'bɪn 'a -kwɔɔ due' "wɔɔ 'sɔɔn (12 000), 'kamɔ ɛɛ' 'fɔ -nɛa -nyiiɛ o, ɛɛ' blo' 'a tɛnsɔn nɪ -ke.

17 ɔ dbaa ɛɛ' blo' 'a ja tɛnsɔn 'mɛ -ke, -wɛɛ ɛɛ' ja tɛnsɔn nɪ sɔntɪ " 'a kmɛ' 'due kwɔɔ -nyiiɛ 'jɔ -nyiiɛ (144). Ka nyiɔpɔ a dbaa dɪ ɛ, 'kamɔ ɔ dbaa dɪ -ke.

18 "Sei -kɪ 'dɔɛ 'dɔɛ nyɔ a 'daa- Sasipɔ ɛ, ɪmɪ -te' blo' -nɛa -kwɔɔ 'dei ɛ, -wɛɛ -kwɔɔ 'ɔ -ce" 'kpa -mɛ nɪ 'sani 'a 'sɔ -wɛɛ ɛ nɪ "jrii 'srɪsrɪ ka "nɪ nɛa.

19 "Sei 'a -puue 'jɔ 'sɔɔn blo' -ɛ -pian' -kwɔɔ -nɛ 'dei tba 'o 'kpei -nɪ, ɔɔ nɔɛ "sei -kɪ 'dɔɛ 'dɔɛ 'a "kwɔɔ -wee' -wɛɛ ɔɔ 'crɪ ɪ.

-jɛ -saa "i -mɛ -nɪ Sasipɔ.

-jɛ tba 'o, -nɪ Safii-.

Ia' taan -nɛ, -mɛ -nɪ Agatɪ.

Ia' -nyiiɛ -nɛ, nɛɛ Emerodɪ.

20 Ia' -mm" -nɛ, -mɛ -nɪ Onisɪ.

Ia' -mɛɛo"- mɛ -nɪ Sadoanɪ.

Ia' -mɛ" 'sɔn -nɛ, nyɔ a 'daa- mɛ -nɪ Klisolitɪ.

Ia' -mɛ" na -nɛ, -mɛ -nɪ Berilɪ.

Ia' -mɛ" nyɛ -nɛ, -mɛ -nɪ Topasɪ.

Ia' -puue -nɛ, -mɛ -nɪ Klisoplasɪ.

Ia' -puue 'jɔ due' -nɛ, -mɛ -nɪ Tuikoasɪ.

Ia' -puue 'jɔ 'sɔɔn -nɛ, -mɛ -nɪ Ametistɪ.

21 'Blɔa 'a wɔn -nɛa -puue 'jɔ 'sɔɔn ɔ, ɔɔ "due "sei 'dɔɛ jri' 'a -puue 'jɔ 'sɔɔn 'bɪn -wɛɛ ɔɔ nɔ ɪa' kludɪ due 'due. Ia' "sei tu 'wɔɔɛ 'e -kle" -ɛ -nɛa 'e 'tɔnɛ -sɔn 'di, ka -srɔjɔ nɛa, 'kamɔ ɪ nɪ-. -jɛblɔ -ɛ cɛan

εε' -kwɔɔ tu 'ʊn ε, 'sani -nʊ ε, ε ke dε jrε' se "jrii bee-, ε nɪε "jrii 'srɪsrɪ, "jriε- ε cεn ε 'ʊn 'ε.

22 'Tn se Kea -gbu klaa" "jriε- 'jee- 'bo εε' -kwɔɔ tu 'di, dε-nʊε' Tʊ"bo Kea -ε -kmai" -ε -sia dɪ -wee' ε, εmε -nɪ εε' Kea -gbu ke 'blaaju ke.

23 'Jrʊ ke 'cʊ 'a fan 'bo εε' -kwɔɔ tu 'di, dε-nʊε' Kea 'a -sɔn' -sɪn' 'bomu -wee 'blaaju nɪ εε' -tau.

24 -blua 'dinyʊ -wee' "klein a muε naa' 'de -sɔn' 'ʊn. 'Beɔ-wi" -nɪa 'e 'blua- "kpei a muε ʊʊa' "wlii-ke kεεma' dε 'bo -kwɔɔ -nε 'di jaa'.

25 εε' -gbεin" -je se "wɔɪn kaain, dε-nʊε' -sɔn' ɔ muε -sɪan' jeejee, kwie se nɪ 'bode.

26 -Wεε 'beɔdε -wee' "klein 'je 'o ʊʊa' "wlii- o, ʊʊa' kεεma' dε ja.

27 'Kaa dε -nyniia "jrii se 'o εε' -kwɔɔ tu 'di pai. Nyʊ -ʊʊa nʊa -flɛn" dɪ o, nyʊ -ʊʊa -tmʊa sɪ o, ʊʊ se 'o pai -ke. Nyʊ -ʊʊa 'nynɪ 'crɪa 'de Kea 'a 'sraa -sablaaju 'a 'kmʊnɪsbε 'di ε, ʊʊa' 'sʊ -je 'o pa.

22

1 'Sʊ Kea 'a "soai tɔɔ 'ʊn 'kmʊnɪ nɪ 'a -gbuu, ε nɪε "jrii 'srɪsrɪ -wee εε fan ka "sou 'dɔe nyʊ a 'daa- Klitalɪ nɪa. εε' "jrʊ 'wɔʊε 'o Kea ke 'blaaju 'a 'beɔkpa-tε -sɔn, -wee ε cεεn 'bo -kwɔɔ 'ɔ -kwea'-.

2 'De 'kmʊnɪ tu nɪ εε' 'krʊʊ -nɪa 'sɔɔn "kpei-. εε cro' kpe 'ε -puue 'jɔ 'sɔɔn 'de -sʊn 'di -mε ε croε 'jɔ 'de 'cʊ "o 'cʊ 'di. εε' wɪn mɪ -ɪa -pʊʊ' 'blua- -wee' 'a nyʊ.

3 'Dain se 'o εε' -kwɔɔ tu 'di nɪ i. Kea ke 'blaaju 'a 'beɔkpa-tε nɪ 'o ε 'di, -wee εε' dɔnʊʊn 'je ε "juɔi -gbεε'-.

4 ʊʊa muε Kea 'a "jua- "jriε- 'jeea', -wee εε' 'nynɪ 'je 'crɪε 'bo ʊʊa' "jua 'a "pε "kpei.

⁵ Kwie se kpɔn i 'bo ɛɛ' -kwɔɔ tu 'di, 'jɔv se fan i 'bomu. Nyɔ se -dam'ba tba i, dɛ-nvɛ' Tɔ'bo Kea 'a -cɛ' 'kpa -nɪ ɔɔɔɔ 'a -sɔn', -wɛɛ ɔɔ 'je 'beɔ di jeejee 'de -sɔn 'o -sɔn 'di.

Nyɔ 'snɪ -tu" wlu -ɛ -bɔɔa' de ke Sesi 'a ji -tɪ ke

⁶ 'Sɔ Kea 'a "soai wluɛ 'ɔn -pee, ɔ 'na : Wlu -nɪ nɪɛ tɔ', ɪ nɪɛ -kwɪl" -te' ka. Tɔ'bo Kea -ɛ -nyɪa" ɛɛ' wlu 'kwajaavɔn ɛɛ' -Suu ɛ, ɛmɛ -dbo' ɛɛ' "soai -wɛɛ dɪ -tea nɔv -tɪ ɔ 'je ɪ 'kwla -sa 'de ɛɛ' dbonɔvɔn -pee.

⁷ Sesi 'na : Ao po doin" i, 'ɪn -teɛ ji -tɪ. Wlu Kea -sa 'kwla -wɛɛ -ɪ -crɪa' 'de 'sbɛ -nɛ 'di, nyɔ -ɔɔ -jɪ wɔn ɛ, -mɔ nɔ 'mɔa- !

⁸ 'Mɔ -San, 'mɔ -ɔ -wɔn dɪ -nɪ -wɛɛ -ɔ -jee ɪ 'jɪɪɛ-. -Ta 'ɪn 'wɔn ɪ -wɛɛ 'ɪn 'jee ɪ 'jɪɪɛ- 'sɔ ɛ, Kea 'a "soai -ɔ -tɔɔ ɪ 'ɔn ɛ, 'ɪn "siɪɛ 'kɔi- i 'bo ɔ "juɔi, -wɛɛ 'ɪn 'je ɔ "juɔi -gbɛɛ.

⁹ 'Kaa ɔ wlu' 'de 'ɔn -pee, ɔ 'na : "ɪn-, -ɪn -bo 'ɔn "juɔi -gbɛɛ'- ! Kea mɛ -ɪn -je "juɔi -gbɛɛ' ka- ! 'Mɔ nɪɛ Kea 'a dbonɔvɪ -o -ke, ka -ɪn -ke -ma de 'di-wi" Kea jaa wlu 'kwa nɪa, ɛ ke nyɔ "klein -ɔva -jea wlu -crɪa' 'nɔ 'sbɛ -nɛ 'di wɔn ke.

¹⁰ -Wɛɛ ɔ wlu 'ɔn -pee ka -ke, ɔ 'na : Wlu -saa 'kwla -wɛɛ -ɪ -crɪa' 'nɔ 'sbɛ -nɛ 'di ɛ, -ɪn -bo ɪ 'kwla -tu" ɛ ! Dɛ-nvɛ' nɔ" -ɛ 'di ɪa' dɪ tu 'jea 'o nynɪ ɛ, ɛ se o tɛɛn-.

¹¹ Nyɔ -nynɪia 'di wɔn ɛ, -mɔ kpa ɔɔ' 'diwɔnyɪa' nya ! 'De nyɔ -ɔɔ nɔa dɪ -ɪa kpɔvɔn a nyɔ -flɛn" ɛ, -mɔ kpa ɪa' nɔa' nya ! 'Kaa nyɔ -ɔɔ nɔa 'isrɛdɪ -cɪɪi" i ɛ, -mɔ kpa ɔɔ' "isrɛdɪ nɔa' nya -wɛɛ nyɔ -kwɛai 'pepe, -mɔ 'je ɔɔ' i -kwɛa' nya kpa !

12 Sesi 'na : Ao -gbɔn 'nɔ, 'ɪn nɪɛ -jei", 'ɪn ke -kei" 'ɪn 'jea nyɔ -sa ke, -wɛɛ dɪ jɾɔ' nɔa 'ɪn 'je ɔ ɪa' -kei" -sa due 'due.

13 'Mɔ -saa 'i, 'mɔ -bɔɔ' de, 'mɔ -kɔn nya, 'mɔ -kan dɪ -wee' "jɾu, 'mɔ dɪ -wee' "klein tba 'de "jɾi -wɛɛ -ɔ -nynii ɪ 'o.

14 Nyɔ -ɔɔa wɔɔa ɔɔa' 'ɔnpaadɪ ɔɔ nɔ 'mɔa-, ɔɔpɔ -nɪ 'kmɔnɪ tu 'a 'jɔ di ka, -wɛɛ -ɔɔ -je 'o -kwɔɔ -nɛ 'di pa !

15 'Kaa nyɔ ka -gbe' nɪa -ɔɔ -nɪa kan', jɾii' nɔɔn, kao'bleɔn, "ku 'dbaɔn, kɔun "juɔi-gbɛɛɔn, nyɔ "klein sɪ 'tmɔ 'a nɔa 'tɔn, ɔɔa' nyɔ tu se 'o ɛɛ' -kwɔɔ tu 'di pai.

16 'Mɔ Sesi 'mɔ -dbo' 'ma "soai -wɛɛ ka dɪ -nɪ nɪa tɔ' -tɪ ɛ, ɔ 'je aopɔ 'tmɔɔ- 'de Kea -gbi 'dii. 'ɪn 'wɔɛ 'de Dafidɪ 'a "ji 'di, 'mɔ -nɪ 'cɔ-sɪn -ɛɛ fan -sɔn' wɔin" ɛ.

17 -Suu ke 'sraa -sablaaju 'a -pɔin' 'naa : -ɪn ji ! Nyɔ "o nyɔ "ni 'natɔn a nɔa ɔ ji ! Nyɔ "o nyɔ -nɪɛ "i ɛ, ɔ "duo 'kmɔnɪ ni 'ɔn ɔ 'je 'na foo" 'ɔn !

Wlu "jɾu -cra' 'ɪn

18 Wlu "klein -ɪ -crɪa' 'de 'sbɛ -nɛ 'di, nyɔ "o nyɔ -ɔ -wɔan ɪa' wlu tu ɛ, 'mɔ San a -sɔɔ' fɛn' : -Bo nyɔ jɾɔ' "duo wlu jɾɛ' 'ɔn -wɛɛ ɔ pɔ ɛ 'bo ɛ "kpei ɛ, -mɛ nyɔ 'kle -tu" dɪ -ɪa -tɪ' 'crɪa 'nɔ 'sbɛ -nɛ 'di ɛ, Kea a mɔɪ 'ɔn "dua' -wɛɛ ɛ 'jɪ ɔɔ' 'kle "kpei ja-.

19 'De wlu -wɔa 'kwla -wɛɛ -ɪ -crɪa' 'nɔ 'sbɛ -nɛ 'di, -bo nyɔ "o nyɔ jɾɔ' -sa wlu jɾɛ' 'bo ɛ "kpei ɛ, -mɛ Kea a mɔɛ ɔɔ' -nɪ 'kmɔnɪ tu 'a 'jɔ ke -kwɔɔ -kwɛai -ɪa -tɪ' 'crɪa' 'de 'sbɛ -nɛ 'di ɛ, ɔ 'kwa -saa'.

20 Sesi -ɔ -na dɪ -nɪ nɪɛ tɔ' ɔ, ɔ 'naa :

Kɪn, 'ɪn -tɛɛ ji -tɪ.

ɛ nɪ kan' -cɛɛn'-, Tɔ"bo Sesi, -ɪn ji !

²¹ Tɔ'bo Sesi 'a 'saavɔn nɔ nyɔ -wee' 'klein 'kpei
!

DBΞEΔE DEE-

Wè Northern: DBΞEΔE DEE- New Testament+

copyright © 2010 Wycliffe Bible Translators, Inc.

Language: (Wè Northern)

Contributor: WBT Central Zone

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

420bcc8e-229d-5a3a-91bf-a91cc86b40db